


尊白堂集

虞傳



欽定四庫全書



尊白堂集卷一

宋

虞儔撰



五言古詩

暇日邀王天任諸公遊南坡天任有詩因次韻

梅黃收宿雨山綠呈層巔高軒蔭修竹朱檻俯流泉雅  
致軼天外俗物無眼前笑人聲利場蛾眉競爭妍半生  
政坐拙州縣空迴旋自視甘寂寞何心慕華鮮南坡吾  
菟裘杖履有厚緣暇日領佳客頗辦沽酒錢愧無絲與

竹後堂欠彭宣何以侑談笑賴有茲山川送鴻煩遠目  
落鴈驚虛弦門徑迴俗駕山澤非臞仙劇談交玉麈醉  
吟飛彩牋榴花媚紅皺李實薦翠圓相忘恣諧謔小謹  
略跽拳茲遊無可紀須君賦長篇

再和

我詩苦艱澁蹇步大行巔筆乾硯欲裂何地覓湧泉巧  
匠愧旁觀袖手不能前敝帚徒自珍捧心豈成妍避舍  
不獲命屬鞮試周旋君詩巧層出沍露晨花鮮前輩借

波瀾後生敢並緣平生程不識毀不直一錢五色爛摩  
尼八音和相宣挹袂庾開府拍肩楊盈川每發必中的  
矢脫無空弦我蓋三復之飄飄意欲仙此計太冷淡浪  
費五彩牋不如醉紅裙且聽歌喉圓况當荷傾蓋莫待  
粟過拳徐看騎鯨伯一斗揮百篇

再和

雨驟頻垂脚山高故隱巔南坡疑斷路平地怪流泉猿  
鶴誰為伴鳧鴻亦墮前梅黃雖借潤榴火漫呈妍人世

隙駒過天形磨蟻旋雲容愁暮合霞彩望朝鮮已負杖  
藜約宜修香火緣江山如得助風月敢論錢今日苦不  
樂此情誰與宣高歌懷杜曲晚賦擬樊川屋破時懸溜  
弓驚不受弦好邀沽酒伴却羨泛舟仙竹色杯中綠花  
光筆下牋左持還有蟹右畫更成圓自笑牛刀割難安  
鷄肋拳補天非我事聊爾繼新篇

再和

君家有西園望我南山山巔觴詠繼曲水花石希平泉長

溝流砌下遠岫列楹前春風一披拂百卉為渠妍迨茲  
夏日永杖履宜盤旋梅黃已過雨清潤霽景鮮主人雖  
好事欲往無由緣似開三徑深日夜長苔錢行當載酒  
過高情與君宣飛鴻渺天末浴鷺來平川良辰恐易失  
勿待月下弦前者坐中看俱是桂堂仙酒豪倒金壺詩  
健輕華牋琴弄朱絃古碁枰寒玉圓君才尤中的霜鷓  
無空拳諄復記幽會春容看大篇

和姜總管喜民間種麥

腰鎌刈晚禾荷鋤種新麥田家競作苦羔豚勞歲夕翠  
浪愜初懷黃雲期後獲晴暖得天時肥瘠隨地力賸欲  
觀風謠未暇履阡陌寧唯餅餌香庶免鞭笞責擬踏青  
州麴釀酒邀佳客

病起據案無緒輒書二十五韻呈簿尉  
祇役來異鄉瘧鬼巧伺便寒熱四五行大小六七戰初  
如蹈陰壑赤身卧冰霰繼若煽紅爐虐焰工煨鍊先生  
但堅壁高卧觀物變謂我則忘吾曰舍其猶傳童子更

進藥先生強起噉羣鬼競擲揄醫工何瞋眩忽然汗四  
出心愧顏有醜須臾返清涼輕健欲舞幺寧唯跣枕簟  
便覺美餽饒氣和疾自去福至禍亦轉我生多蹇剝縣  
尹劇卑賤王事有期程私室敢安晏日出事還生孤游  
無一援訟牒猶山積愚拙費裁剝催科正火急日夕竢  
訶譴督郵顧小忍斗米那可戀彈琴不復夢據案敢告  
倦仇梅二友生灑落邦之彥頗復相料理何嘗語遊行  
城南萬荷花浣溪錦一片涼生雨初過香度風微扇碧

金定四庫全書  
卷一  
甯亦易辨白墮儻可薦詩以代折簡辭兮非黃絹  
除日獄空唯欠租監繫頗衆因悉縱遣之期以  
開歲五日畢來因記東坡先生倅杭除夜直都  
廳囚繫皆滿題詩壁間輒用其韻  
訟牒日已稀私幸庭無留胡不了租稅顧為此拘囚催  
科迫星火對案亦包羞作苦念田家歲莫得少休羔酒  
會鄰里盍歸與婦謀刻期亦人耳吾其反自修  
病後有感作

今日病思清把書坐晴簷體舒百息勻心遠萬慮恬  
視等庖郢妙觀到羲炎頓忘飢寒苦但覺中邊甜習氣  
尚稍稍自喜良沾沾故家東堂書高架紛懸籤我時且  
兒子氣欲俱并兼澆著胷次間政爾意不廉此意竟蹉  
跎衰遲侵戟髯邇來又留滯鬱鬱三年淹是秋節物高  
露白原草霑斜河轉空濶夜氣方森嚴此日足可惜黃  
塵滿征旆明年會當歸赤米薦白鹽繙經慰老眼甘作  
書蠹潛共嘲玄尚白指笑突不黔亦知屠沽兒羔豚方

屬饜

和張伯子韻

士流競彈冠州牧紛勸駕器識在所先  
文藝乃其亞謁來同抱關因得奉餘暇  
軟語雜朝譔小酌見蘊藉官禁不通風  
門鍵那容罅豹斑縱未窺鯨背幾思跨  
君來怪已三我到嗟方乍前頭萬木春  
當戶三星夜棄甲勿復來背城寧一借  
新詩抵驪珠歸橐何妨詫

詠麥

平生笑盜儒口誦青青麥刻燭和新詩  
此夕知何夕六花來未晚三白會有獲  
雨暘亦天事勤惰繫人力何妨縱牛羊  
况已遍隴陌青黃未交時補助豈無責  
我亦念歸田聊作數旬客

和姜總管送別

富貴如浮雲於我初何有轉徙浙東西  
僅足餬其口去年在吳興民物猶未阜  
賑荒事方殷奚暇詩與酒今年到東陽  
政成不待久邂逅遇詩仙襟抱得細剖  
切磋愧

子貢起子幸魯叟琮瑋蒼玉佩關鍵黃金鈕擬學西子  
顰益愧鄰女醜賡酬強追逐要是非敵手目短曹劉墻  
氣轢鮑謝囿我如武成策第可二三取山澤多蛇龍松  
柏無培塿緬懷南澗老斯人骨已朽人事真好乖又假  
蘓臺守遽辭山水邦暫缺雲龍耦酒罷雨沾裾船開山  
入牖似鶴出樊籠如魚脫窠臼分袂却關情鼓棹猶回  
首長篇肯贈我字字炳星斗願保歲寒心莫愧金石友

和寧國守沈察院九月嚴霜十五韻

九月十月交卦應西北乾少昊猶執矩玄冥遽行權慶  
元敦牂歲夏無雨暘愆早禾既有秋人斯望有年晚稻  
亦懷新穎實相接連不間東南畝寧分左右肩嚴霜忽  
早降節候無餘暄黃熟乃無日青乾空在田殆不如稊  
稗那敢詠好堅造物豈棄遺繫時失後先農夫亟欲訴  
有司不謂然課無責之有何異扼其咽使君惻興念官  
租為渠蠲作詩寬彼憂至哉仁人言幸甚宣城民信乎  
有二天



冬至念母

兒行十里程母心千里逐昔者子曾子不忍離一宿今  
我獨何為旅食久輦轂來時月中秋坐待陽初復薄命  
難推挽濶步窘邊幅慰藉煩友朋栖遲愧僮僕畫餅唐  
生相說河嚴子卜世態方奔競人情慮反覆夫豈不懷  
歸所惡在欲速眉壽翠濤春洞庭霜橘熟亦足盡親歡  
何必此微祿

秋日同官遊聖感寺晚飲范公亭分韻得須對

招提二字

招提城東隅勝集僚友俱腐儒元自臞午飯厄齋盂不  
如計一醉况有高陽徒小秋頗解事鷄鶩營庖厨我歸  
與婦謀但問酒有無婦言有斗酒待子不時須  
木末好風來山頭涼月拙快哉城上亭登臨吾亦再堂  
堂文正公精神凜猶在盃行且停飲四座俱起酌義氣  
激余衷豁若挹沆瀣此夕飲也清且無俗子對

次早再出

晨起候鷄鳴我車催發輒列炬犯星微衣襟蒙霧潤將  
迎恐後期奔走追前進拭面愧緇塵墊巾憐雪鬢吾年  
已如此世態何當徇曷不歸去來榮枯才一瞬

秋雨歎

少昊欲行秋驕陽猶跋扈炎蒸不易滌頗費天公雨浸  
淫三日霖雲氣正旁午所慮早禾傷佳實卧場圃翻思  
向來旱南畝生塵土矯首望雲霓一滴如膏乳及茲收  
斂際反以多為苦蒼蒼匪天歎惻怛羣物祖怨咨尚未  
免是非何所付會當返秋陽新晴照區宇禾實趁登場  
不特盈我庾荷擔賴肩歸亦足慰田父黃鷄能漸肥紅  
酒幸可酌持用答豐年造物儻復許

和張文潛有所嘆韻

老驥困鹽車四足若有絆鸞鳩搶榆枋控地不能遠我  
本田家子釋耒事游宦少壯恥干請老大誰推挽撫字  
亦徒勞催科寧趣辦於心儻無愧此首何妨俛財由政  
事足軻也豈好辯苟得而富貴孰若甘貧賤

和陳倅留題奉聖

飛鴻眇天末目送類中散  
謫仙負詩狂直欲摘星漢  
白雲千丈峯金碧美且煥  
忘言老瞿曇祇作空花觀  
軒冕倘來耳世事亦其漫  
鸞鳳在赤霄寧肯就絀絆  
惟餘憂國心撫事輒悲怨  
飢饉有流離十室九不爨  
上動黃屋念每食不遑盱  
公豈愛登覽微意寓篇翰  
山僧遽傳似字字如珠貫  
勸分豈無術未必愧鞭笞  
升斗倘均惠溝壑庶少追  
福星公恐是疇復虞歲旱  
王事敢告勞行役春過半  
鬢絲禪榻畔綸巾時一岸  
溪山得勝賞歌舞廢屢按  
請頌海沂康民謠茲可翫

和陳倅遊石門弔瞿劬先生

我坐南坡上高鴻忽飛去  
指點夕陽外文脊益其處

原注

僕家南坡之西正見文脊山

下有竒洞府有道乃宜據鹿裘坐石室

先生豈真踞儻是我輩人  
傲視非所慮桓溫汝何為  
乃欲效三顧姦心妄窺鼎  
未見神合沮猿鶴亦汝羞  
未易飲食舉伏滯不自重  
且為溫所遇贊詞縱云美  
所恥非

所慕邇來賢別駕物外欲軒翥功名恐未免溪山亦已  
飲五字識巖石千載想風馭神交付冥漠心契自平素  
蒼苔留履跡飛花約歸路先生還一笑晴雲為披絮

林子長見示悼鶴之詩若不能釋然者因次韻  
以廣其意且於鶴不能無責焉耳

君家青田姿見之毛骨寒方當秋露警遽迫夏景殘年  
來縱飲咏意外失防閑誰歟不具眼斃之於汝安竹林  
有餘蔭荷塘豈不寬正坐出門誤寧虞行路難因思出

處理士君子惟艱方其窮居時孤進無還丹山林欲長  
往鐘鼎夫豈慳一朝隴書至倏若登天翰肉食無遠謀  
伐檀譏素餐失身墜戮辱無乃佞與姦逐兔牽黃犬東  
門那得還竟死咸陽市慟哭何辛酸丹塗布衣願恨不  
蒯與管富貴履危機悵望扶搖搏世事亦墮甌天理真  
循環向來京口銘俯仰成悲歡世無薛公筆想像付永  
歎

和萬元亨舍人送芡實

金定四庫全書 卷一  
吳興魚稻鄉來視刺史印適丁飢饉後倉廩無餘蘊當  
饋不下噉寧望饌中雋年來稻如雲便覺搖其叻豐年  
百物熟天意毋寧靳君侯有佳惠茨實粲光潤東山願  
不違南蕩居其近此物舊知名原注南蕩採擷手自引  
剖蚌訝珠還泣蛟疑淚迸軟温新剥肉釘餽初嘗醞遺  
我水之濱此意君其問

七言古詩

和王天任喜雪

姑射之山果何如往者吾嘗聞接輿肌膚冰雪能綽約  
是中知有神人居神凝自使年穀熟况有疵癘煩驅除  
乘雲四海聊戲劇磅礴萬物同慘舒至哉河漢已無極  
俗士區區窮尾閭

我家四壁真相如晨興欲出無車輿獨騎瘦馬南坡下  
閨風十二仙人居書生一朝忽富貴瑤林瓊樹環玉除  
梅花失喜為三白一枝放我眉頭舒春風醉眼紅綠亂  
爾時獨醒如三閭

送隱靜恭老

妙喜老人骨應槁明月堂空迹如掃叢林耆舊半消磨  
砥柱頽波餘此老五峯深處開道場道價重於連城寶  
我蓋知名二十年長恨識師之不早竭來陵陽第二峯  
一笑相從即傾倒午窓對坐語笑清夜榻歸來魂夢好  
大顛理勢恐是渠澄觀公才何足道青衫我亦行作吏  
未盡俗緣多病惱相期巢父早掉頭共在山中拾瑤草

和中本留題照石詩

故人別來知幾年怪我相逢鬚鬢白看鏡功名不用頻  
蒼苔偏教留行跡蚤知宇定發天光未開終日介如石  
此理昭然何足疑來詩併遣鐫崖壁

贈孫尉姑蘇紫石鉞孫有詩次韻

吳儂生長水與雲不採蓮花拔蒲根窮山鑿石出奇怪  
顛坑仆谷無寒溫宣和倖臣以佞進橫江花石如雲屯  
造化有此誠瘡痍柰何浮靡誇朴敦守令誅求星火迫  
州縣驚擾河濤翻舉觴誰酌拚欄子我欲從之以為昆

爾來創作短尾鉞形模簡古得全渾遺君日以烹龍鳳  
要和松風瀉潺湲彌明譏評二子媿盧仝風味千載存  
搜攪胃中萬卷富傾動筆下三峽源可憐長安貴公子  
飽餐荔支饜河豚豈知是中有佳趣日方忤視手不捫  
武夫丁字且不識一礮擬落天驕魂平生攘臂咤飛石  
唾取青衫明主恩書生調度清且苦臭味不同誰與論  
祝君勿遣羊羹汚以友石供古銅盆

食後過竹堂風雨遽作賦所見

雲氣四蒸雷蓄怒山雨一來風借助抱頭乳燕竄低簷  
噤口黃鸝在深樹竹圍萬槩齊驚呼老松不動如亞夫  
何人筆端帶三昧畫作竹堂風雨圖

監學同舍饒南康新使君黃雍文分韻

人生五馬古云樂今君此行殊不惡君才自是瑚璉器  
十載聲華滿臺閣胡為忽厭東華塵一麾要把江之濱  
聞道豐登少公事姑與匡廬作主人到郡莫辭譏屢費  
政恐朝來多爽氣山中向有讀書人為問歸來頭白未

成均同舍錢別新安使君徐子宜大丞分韻

我昔絃歌乳溪側嗟哉所割真鷄肋斯民疾苦得飽語  
離彼三年能記憶丁男箇箇事播殖紅女家家勤紡織  
可憐卒歲無完褐縱使豐年有菜色夏稅未畢秋稅來  
縣家小緩州家逼拆東補西恐不免剜肉醫瘡寧有極  
小儒安敢私其民上官貽怒幾遭劾痛定還思痛當時  
至今夢裏猶心惻歛為富州傳自舊誰以富州事苛刻  
徐侯固是清廟器撫摩暫遣堯熊軾朝廷選用益不輕

祖帳衣冠傾上國德星往矣勿復道田里從茲無歎息

同舍錢新滁陽使君范子由寺丞子成均芳潤

軒分韻

憶昔飛鳧來上國作縣聲名動宸極今朝頗恠空馬羣  
十年所得真鷄肋笑指滁陽有佳處手把一麾留不得  
醉翁相望百年間瑯琊自此添顏色

食墨魚有感

誑人吐盡胸中墨不料反為入所得禍變之來非所慮



僅與詩人供一筋韓非竟以說難死楊惲書成汗刀机  
子雲嗜學甘寂寞晚年竒字終投閣撐腸文字五千卷  
不救顏回忍饑面三年博士冗不治半生鉛槧寧非癡  
老兵兩眼不識書飽食高眠我不如

次韻漢老弟假山

庭空吏散無公事一枕清風供午睡列仙之陬渺何許  
化蝶翩翩可坐致夢中意行不識路神前那有車乘墜  
立壁延緣蘿蔓綠滑徑行視莓苔翠南遊忽到九疑峯

竹痕斑斑湘娥淚簫韶聲斷蒼梧雲石上虛餘千古意  
回鑣斜經少昊墟閭風縣圃窮幽邃崑崙崙崙崙崙崙崙  
河流九曲東南被高掌遠蹶得我驚二華巨靈留顛顛  
三丘却轉問勾芒首冠連鰲誰所置蓬萊浪自弱水隔  
俛仰之間興已寄傳聞有棗大如瓜一笑安期方指示  
惡風驟起吹船回未悟此身在平地夔夔衙鼓忽驚覺  
起來恰見羣兒戲壘石亭前作假山列嶂層峰生詭異  
有如中怒互拏攫或似畫眉相嫵媚神葵獅子豈其朋

伏虎卧馳非若類珠屏九摺地不惜西柱一峯天所棄  
眼中乍見已堪賞夢裏曾遊俱可誌連筒灌水瀑泉飛  
薄岸臨坻盤石歸瓦盤拳石養菖蒲小有仇池今見二  
乃知仙境只人間跬步不移千里至向來封國在槐枝  
我今此夢真相似要知萬事孰非夢何物世間能久嗜  
有人夜半欲移舟讀我此詩寧不愧

偶食鷄頭有懷萬元亨沈德遠林子長橫塘三

主人

秋風一熟平湖芡滿市明珠如土賤昔也兼名鴻鴈頭  
今茲始識胡孫面原注主人謂鷄頭作胡孫面者佳應須我輩賸著語  
會有後人來作傳橫塘地主總好事凌波不過空三噉

再和

年豐豈特菱蓮芡米價新來如許賤不孤后稷由已思  
誰作顏回忍饑面清朝已拜富民侯太史莫書循吏傳  
我今何事不歸田豆飯芋魁甘得噉

和張簿南坡

春風吹水生碧鱗南坡花事日日新水流花出人間去  
應有桃源迷路入四圍山色染黛綠夾道柳絲搖麴塵  
碧桃和露真含笑海棠過雨猶橫陳蜜脾未滿蜂子鬧  
麥穗欲齊媒雉馴滿堂金玉空為爾不博斑衣膝下春  
我今家居奉慈母長年直欲齊大椿每當淑景恣遊覽  
白藤肩輿敷錦茵華髮映花更蕭爽朱顏得酒能精神  
授柑正類潘騎省舉觴敢望周伯仁仙家日月雖不老  
人生行樂須及辰張侯故是名家子萬里碧雲看致身  
竭來吾縣鸞栖棘少年得祿說及親洛濱侍從追前躅  
喜君有此與我均花間不用錦步障鶯蝶近前君勿嗔  
雙餅姑餉千日壽待戒園夫休厭頻

和郁簿述懷古風

莫笑當年韓與侯釣魚溫水垂纖釣鳶肩自是騰上速  
安用常何薦馬周先生直氣摩星斗肯來州縣甘低頭  
莅官姑欲行所學一猿未足勝衆猴平生一介重取與  
邈視不義如雲浮同舍償金初何有從者竊屨還言否

古井新來亦波浪夷途強指如山丘毀言中人以疑似  
心苟無瑕何足尤雖然鑠金忌衆口此語不妄聞諸鄒  
誰知三月未得祿長饑日典鷓鴣裘不作顏公乞米帖  
吟詩肝腎愁鐫鏤詩成險語破鬼膽我慚屬和真蠻謳  
願須暇日薦所有君方有行寧少留何妨暫駕揚州鶴  
猶勝他人萬斛舟

昨日於竹堂後開一徑通南坡甚近從此便於  
往還遂成日涉之趣矣

先生一室如懸磬彈鋏浩歌誰復聽籃輿每出欠僕夫  
蹇驢試跨愁泥濘南坡日涉恐負渠寸步躋攀如折脛  
偶向田頭問小溪何妨竹裏通幽徑杖藜從此便還往  
出趁晨光歸及暝更遣蒼頭佩一壺醉中却愛風吹醒

春蠶行

今年桑葉賤如土吳蠶戢戢多於魯葉底時聞健食聲  
樹頭颯颯初來雨辛勤出又倏三眠準擬收功千萬縷  
縣官何忍為繭絲女紅切勿事纂組愚儒請遺天下衣

各使蒼生有環堵天寒歲暮田舍翁白髮霜風吹兩股  
林正甫舉似所和雙了巖詩且索同賦  
君不見羅敷採桑城南路不肯輕為使君婦又不見銀  
釵垂頭負薪歸四十未嫁夔州女雙了何自老山中當  
年豈羨西鄰富花前啼鳥春不知月裏姮娥夜相顧寧  
為山頭望夫石儻有飛鴻傳尺素莫學巫山十二峯為  
雲為雨朝還暮老奴玉鏡誰自料阿嬌金屋知何所明  
珠節婦浪悲吟羅韞洛神空有賦蛾眉入宮須見妬

五言律詩

觀園夫種菜

町畦紛接壤灌溉細穿渠坐待佳蔬長應須惡草除向  
來師老圃此去遂間居遠屋扶踈處兼尋種樹書

和林子長分贈丹桂韻

月桂天應惜溪堂人與清五枝蒙折贈雙目喜增明紅  
藥羞丹禁彤霞避赤城騰聞澆燭賞有底置公榮

原注  
末句

紀實也

雨中偶成呈天任

久雨苦不樂吾廬亦未貧  
十旬兼美醞千畝長修筠  
睡蝶頻來夢歌鶯皆惱人  
得君新唱和懶病起精神  
秋晚矣菊猶未開小詩速之

問訊東籬菊如今開未開  
不應辜酒伴寧是欠詩催  
屈指秋將盡關心日幾回  
霜風不相借何意尚徘徊  
酒為多多辦花須早早開  
已愆重九約猶待兩番催  
明日還何益西風定肯回  
游言空自解蜂蝶笑徘徊

再促花

珍重栽培意商量仔細開  
花心終有待詩句漫勞催  
莫恨三秋去須教一笑回  
但儲千斛酒端的奉徘徊

數詩煎迫太甚再為花下一轉語

蝶自無心懶花應有意開  
含香特珍寵顧影尚低回  
畢竟風流在從渠火急催  
浮華不相待莊重正徘徊

喜花開

落水驚秋晚黃花徹夜開  
便教雙蝶舞寧是萬牛回  
有

酒須頻舉將詩莫浪催淵明千古意為汝轉徘徊

諸公和詩而菊開主簿沃同年乃有褒拂之語

用韻謝之

怪底花心轉知從筆力回不嫌嘲我瘦良是為君開白

雪詞何有黃雞曲漫催待牽重九興籬下醉徘徊原注九日

沃文諸公同集

比况張伯子尚書書報諸公有相招意因賦拙

句

入臺羞結舌去國坐櫻鱗東道今行李南宮乃故人寒

溫煩見問書劄不辭頻向日區區意還曾叩大鈞

與物初無競何人苦見銜馮唐雖白首商皓豈空函烏

鵲新傳喜青蠅漸息讒鴛鴻滿臺閣祇合理歸帆

天上張公子殷勤忽枉書幾年憐潦倒今日遂吹噓貢

喜慚何暮馮招恐不虛吾生真有命造物合何如

韓知府挽詩二首

宦路雲霄近鄉評月旦賢不惟同里巷曾是接官聯西

浙勞禪杖東淮適後先向來吹送意豈料隔重泉

原注余昨

守平江公為倅及為浙西憲嘗刻薦之後自淮曹召歸公方守秦州

方羨朱輪貴俄驚丹旆新鳳毛看二子鶴髮慰偏親甲

第歸無日名園跡已陳風流山下路楚挽倍傷神

### 林子中知府挽詩

彩棒初行志華途蚤策勲旋聞鳧鳥召徑有虎符分歎

息誰為黨推求誤到君天公還憤憤玉石竟俱焚

原注君權

金州有回祿之事

疇昔因難弟蚤緣幸識君宦途俱別日苦水再披雲勞

苦驚多病悲涼惜離羣斗金峯下路鐸挽不堪聞

### 李叅政挽詩

望重三朝舊年過八秩希股肱康帝室羽翼傳儲闈北

闕恩雖厚東山願豈違蒼生猶有恨不見衮衣歸

廊廟推良弼屏藩紀吏師三孤崇卹典八座有佳兒風

節蕭長倩詩篇杜拾遺倏騎箕尾去名共列星垂

末路懷前輩分符記舊臨吳興慚薤本寶婺仰棠陰驥



子嘗傾蓋龍門亦整襟無繇陪執紼楚挽寄哀音

參議余公挽詩

慘澹門闌色淒涼月旦評居官皆可紀當路競知名  
香火庭老錙銖郡紱輕彈冠公自懶相國詎忘情  
假蔭非公志書生若命何高才寧汨沒榮路故蹉跎  
仲子能傳業詞場遂決科暮年方慰意樂極又悲歌

和姜總管歸途

城郭迎車騎溪山展畫圖歸鴉翻落葉宿雁集寒蕪酒

裏傾肝膽吟邊識步趨佳人來底暮心俠碧雲蘇

元日小室獨坐情思不怡

坐久無人問愁多莫我娛頗知新歲好却訝五行孤  
書亂塵凝紫灰寒雪擁爐可能無斗酒墻外雜歌呼

故奚公學長挽詩

詩酒平生與人琴畢竟空儒冠成晚歲尺牘到諸公  
忽歎羣無鶴誰留目送鴻竹林家世事清節見君同

中書黃舍人父總幹挽詩

孝子推慈父明君有直臣豈惟成羽翼况復掌絲綸想  
像成齋舊昭回宸翰新固應方寸地種德玉堂人  
有子能傳業黃金笑滿羸去華雖不第谷口豈其卿四  
海知名姓諸儒仗老成平生郭有道真不愧碑銘

挽余丞相

淑氣含公鼎明時預政機仲山維補袞文子不勝衣南  
國恩偏厚東山志偶違一為天下慟無以我公歸

暑路驅紅旆天書趣紫泥長沙元忌鵬太歲又逢鷄挽  
鐸春風咽銘旌夕照低冠車紛會葬桃李自成蹊

寶閣尚書凌公挽詩

新學輕餘子忠懷策萬言治安有涕泣師友故淵源日  
曳尚書履風生刺史轡漢廷誰第一殊未遜公孫  
未識嵇中散今無元魯山宦游真恨晚逸駕竟難攀閱  
月推評旦聞風尚起頑九原那可作蒼弁亦摧顏

繆夫人挽詩

黯淡金花誥淒涼柏葉觴原注夫人以正月二日捐館開屏慘佳壻

扇枕念諸郎家事千奴橘僊遊一夢梁了知元不朽千  
載有銘章

萬侍郎母夫人挽詩

閨壺高風在鄉閭美事傳寧須伯仁長更覺壽昌賢祿  
養酬初志恩封慰暮年侍郎官已貴遽返閭崑僊

漢老弟去秋留別有明年桃李月春入馬蹄輕  
之句今其時也因次韻招之

晤言堪慰意別語最關情老我春還暮思君月共明丁

寧期後會容易即前程命駕何妨再聞知四體輕

原注聞知

今年輕健  
大勝去年

奚通直挽詩

自昔高陽里嘗推月旦評華簪先德齒朱紱羨恩榮奴  
豈謀千樹金方笑滿籬有孫看鼎貴鍾慶驗佳城

元衍曹居士挽詩

與物初無競安居不用名平生惟下澤月旦有南評歲  
月驚飄忽鄉閭失老成聯翩先友記百代許同聲

先君無恙日居士得游從酒觥花前月茶甌石上松有時聯款段勝槩每從容指點佳城處相聞道院鐘原注公葬

地近西山道院先君嘗指示其處云

故安國夫人挽詩

雅趣工書畫高懷陋鼎鐘家聲推兩大壺範見三從賢得魯侯配榮開安國封平生耽靜勝宸翰煥鸞龍闕闕聯蟬冕臺郎有鳳毛美彤管舊節視栢舟高南澗夫人藻西池阿母桃哀榮生死是詔墨看重褒

堂前東偏松棚清蔭可愛為賦五言八句

問訊蒼官舊掀髯肯見臨笑談驅酷暑朝夕托清陰便引夷風至寧容看日侵北窻高卧處靖節是知音

再寄廣文俞同年

有客傳新句呼兒整舊書勞生徒擾擾不動只如如病瘡猶憐我流行也到渠平生真莫逆裹飯肯躊躇

無眠

丙夜不成寐可知心念家人情風上草身世眼中沙宿

金定四庫全書 卷一  
鳥司更漏黃蜂集晚衙了忘官府事高枕是生涯

### 脚婆子

百沸催湯沃孤燈迫睡昏腹儲餘承漲足縮但鷓蹲一  
衲包纏密重衾底裏溫窮冬為老伴冰夜得深論  
著瓦霜威重侵窻月色昏相依紙帳夢猶勝火爐蹲伸  
脚三更穩回頭一笑溫溫柔柔非老事付與少年論

### 官况

漢老弟寄示詩軸想見春時南坡佳興因以

二詩奉寄亦可想官居况味也

流落經年別平安只信通宦情元自薄春色為誰濃撫  
字愁眉上青紅醉眼中著詩無好語還徃負筠筒

觸手逢人怒低頭與俗同一慚那可忍百巧固應窮酒  
有兼旬綠花能幾日紅悲歡真破甑墮地併成空

早上過溪報謁林子長承約客回途作

臭味還吾輩炎涼笑若曹相逢傾蓋舊可憚汎舟勞夜  
雨湖山好西風鼓角豪主人寧避客祇覺杜門高

畫諾何如瑁歌呼敢效曹一飢才免死千慮亦忘勞酒  
裏愁先醉吟邊句未豪菟裘吾欲老不是故為高

再和

伏日當休沐頑軀困坐曹驟然秋雨至一洗夏畦勞懷  
祖何須怒劉伶亦未豪北窗陶靖節千載只渠高

久不得廣文俞同年書頗聞病瘧小詩往問訊  
問訊俞夫子兼旬不寄書官居還獨冷體力復何如藥

石寧須爾炎涼一任渠詩能驅瘧鬼下筆莫躊躇

六月請俸張簿攝邑止支其半因却還之

閒居須薄俸未足保妻孥州縣真徒爾兒曹敢料吾揮  
金憐橐在儲粟笑餅無敝褐猶堪典新涼要一壺

十月到南坡

觸眼嗟黃落憑高接翠微幽禽私自語寒蝶晚相依醉  
熟風吹帽愁生帶減圍功名竟何許尊酒莫相違

將至天目登高嶺

天近初凝目雲橫便躡梯前瞻千嶂列回首一川低雨  
過黃梅盡風來翠剡齊靈源窮不到晴晝掛虹霓

將至富陽

宦路初無定吾行有底忙江清魚不聚天遠鴈南翔整  
棹須平進回瀾亦太狂平生湖海意何夢到凝香

和潘簿旅懷

朔風動關塞羈人先自知忘情須我輩了事豈兒癡鴈  
信憑誰寄蛩吟暗自悲遣排消底物不飲復何為

韓知閣挽詩

一品真王裔先朝長主孫華途聲烈在上閣典刑存閭  
里羣知敬朝廷愈覺尊天胡嗇之壽莫返九原魂  
容色雖嚴重襟懷實坦夷功名期自奮趨向肯隨時翻  
念懸車樂俄成易筭悲扁舟苕霅上此意幾人知

程待制挽詩

科第聯三世聲名動九垓激昂存壯志盤錯見奇才往  
者分邊閫胡然避憲臺教忠知有待餘慶接三台

有子巖廊貴知公衣鉢傳內祠初趣召次對暫迴旋偕  
老萊衣喜虛懷帝席前恩榮方狎至遽返九華僊

挽吳公祥承事詩

故國衣冠後傳家禮法尊擊鮮更下舍容駟閱高門河  
潤金揮橐風流酒滿罇平生陰德事五世眼中孫  
昔過高陽里嘗登通德門敢違鄉黨敬尚想典刑存喬  
木縈心曲空花滄淚痕定應歸淨土何必賦招魂

挽承事湯公詩

屋底千金潤尊前一笑真名藍尋入社家事豈關身丈  
室空天女凌波悼洛神

原注孺人繼逝

鹿門攜手後還有姓龐

人

挽范承事詩

貝葉神怡處南柯夢覺時月評依舊好露挽不堪悲分  
米誰懷惠兼金肯拾遺紺蓮華發後見佛想舒眉

挽奚公彥章承奉詩

上國魯傾蓋文闈昔盍簪

原注予與公同赴甲戌大學補試

科名終在



子章服果何心朝露悲蒿里遺風上竹林人琴俱不見  
哀挽為沾襟

已識嵇中散誰慚王濬冲鴻飛嗟目斷鶴化駭羣空懶  
作金門客寧為鐵面翁後園花木在回首又春風

挽都運徽猷陳君詩

煮海攄忠論潢池警武威分符留惠愛持節借光輝  
閱伊誰似功名與願違未前宣室問遽作九原歸

玉節稽嚴召琳宮暫列僊月華方喜見薤露忽悲纏回  
首長安日傷心蜀道天初無封禪議遺藁總堪傳

途中得姜總管詩因和韻

相知何必舊我輩正鍾情老去難為別詩來愈覺清舟  
虛和雪載水淺過灘平一路俱佳境收歸五字城

宋宰不赴王倅招有詩次韻

冷宦門羅雀高軒間不過似聞諠極楚莫恨笑弦歌會  
意庭前柏翰香水面荷道人觀物妙宴坐養天和

風號天籟怒雷引雨聲長但喜書帷潤那知酒斝涼夜

光宜月露霽色醒松篁通介從流俗徐公自有常

觸事

製錦無工拙迷途有是非承符何所恃投檄會須歸未  
飽豺狼欲寧論鴈鷺肥歸來羞碌碌老去與心違

綠匣何煩至黃衣尚有云催科寧是拙稼穡亦良勤當  
念溝中瘠難專柱後文誰令公喜怒鴈鷺政紛紛

歐公詩有云俸優食飽力不用官閑日永睡莫

與因廣之

日長官事少食飽俸錢優宴坐香凝篆欲眠書枕頭莫  
知斯我貴此外更何求畢竟歸田是他鄉莫久留

偶成二詩

閒處田園好愁邊歲月催事多違壯志吾亦愧凡材有  
底金千鎊無何酒一盃謾憑詩遣興情至却生哀  
今夕知何夕吾年且暮年且暮年勞生斫桂斧游宦逆風船幸  
不愁婚嫁何須問計然男兒有門戶溫飽故隨緣  
和萬舍人中秋有月無客有酒無殺韻

積陰成久雨，淡日掩三辰。吏已疲祈禱，天方殺去聲。怒嗔  
但愁雲似墨，那顧月如銀。孤負中秋約，姮娥莫妬人。

即事

天末孤鴻遠，園荒一徑深。畦蔬供小摘，家釀慰孤斟。齋  
日渾無事，春天故作陰。濬池兼插柳，取次見吾心。  
問訊鶯猶懶，尋芳花較遲。忽驚雷送雨，漸喜水平池。竊  
祿慙無補，歸耕未有期。春工誰道巧，不染鬢成絲。  
已是春光晚，那堪雨氣昏。數莖驚白髮，萬感集清樽。才

力須時展，功名有命存。眼前何足校，一笑任乾坤。  
酷吏人同疾，流民天亦憐。麥登收兩倍，蠶好得三眠。况  
是寬征賦，那憂有俗緣。眼前百事好，買酒答豐年。

舟中

寒日移陰短，清溪放溜遲。歸田真晚矣，泛宅欲何之。鴻  
送天邊目，山橫雪後眉。詩中無限興，一一報公知。

舟中睡起

望外星占婺，年餘水記茗。去思誰結戀，來暮豈聞謠。李

布從渠毀馮唐莫我招舟中無一事睡足有今朝  
和陳德章春日送客

年華看鬢上春事轉頭中羯鼓催花雨虹橋送客風未  
須愁酒債政復坐詩窮誰識揮絃意寥寥寄遠鴻  
花柳無多事陰晴不必天急春村外雨並舍晚來煙白  
墮先春手紅粧最妙年龐翁雖不出門巷得相連

再和

勝事壺觴裏韶華杖履中歌情千里月花信幾番風取  
友須三益論交笑五窮含含歌麥秀庶下老梁鴻  
歲月斜川路風流杜曲天過墻紅杏雨低戶綠楊煙鴻  
鵲今千里鶯花又一年陽春慙屬和五字得珠連

舟中冬至

陰陽消長際新舊送迎中異縣它鄉泊天時人事同世  
方期道泰我豈坐途窮兒女番為壽衰顏借酒紅

和林卿盤隱詩

溪山千里勝花木四時春家釀新來熟園收舊不貧上

金定四庫全書 卷一  
都無闕事空谷有佳人天下滔滔者誰能此問津  
盤礴五千卷辛勤四十春向來憂國意肯顧在家貧丘  
壑寧違性功名忍悞人似聞歸賦後喜氣日津津  
倘徉三徑裏陶冶一家春筆下文為富習中道不貧窮  
通知有命行止信非人第恐歸田計翻成要路津

和沈祭酒韻

詩思花前發春光眼底來一區聊自適三徑為誰開聖  
主方求舊清時沉急才鳳池波自暖鷗鷺勿多猜

和勸農詩

世故偶夷險吾行無介通誰為青眼舊人想翠眉濃原註

翠眉亭有蘇少公祠堂

風雨花時過溪山酒聖中何時蓮蕩裏共

把碧彎弓筒

節物常流轉人情作異同頗期千載後寧忍一朝窮隔  
葉饒晴哢遊絲冒墮紅老春何足恨結習本來空

罷郡遊何山

尋山多勝概輟棹偶留連南浦渾無緒東風忽放顛蹊

金定四庫全書  
卷一  
成桃李退人去蝶蜂喧氣味餘禪榻煎茶竹裏煙

賦芍藥

紛紛時世粧爭欲媚韶光正值三春暮能教一國征妖  
媿欺酒聖豪麗僭花王不料東風惡飄零亦太忙

晚花

花開春已去春在此中藏可恨芳菲晚翻令氣味長繁  
陰供翠幄輕暑絢紅粧莫起後時嘆時來未遽央

往瓜洲護使客回程

北使朝京闕東淮領計臺舟師雖夙戒頓食更頻催州  
縣愁勞費風霜困往來和盟終不替舊好政無猜

新晴

凹沼幾平岸晴雲放出溪已添新綠潤尚有暗芳栖風  
雨將春去樽壘欠日攜歸田吾未果愧爾杜鵑啼

秋雨

陰風攪林壑驟雨倒江湖白日不覺沒繁雲何處無樓  
吟涼筆硯溪夢亂菰蒲聞說京華甚污泥入敝廬

和鮑倅喜雨

雲釀南山雨風勻北牖涼綠蒲澄水石丹藕淨池塘冷  
客頻牽興炎官罷闔強無波真古井此味淡中長

和鮑倅首夏聞鶯

芳草池塘晚垂楊院宇清夢回初恨蝶春去懶聞鶯翠  
幄何須戀金丸恐見驚一枝栖更穩好去鳳凰城

道場山勸農

粵在千峯頂重來二月天雨紅晴尚濕波碧遠相連旌  
旆行雲裏樓臺落照邊一犁農事起胡不早歸田

勸農

郊原春已半溝洫水先通勸相寧文具歸耕亦興濃一  
犁新雨後小隊亂山中粗識斯民意何須教鋤筒  
慚愧荒三徑霸棲漫一同青春非老事白眼有途窮柳  
暗鷓鴣藏綠花飄燕蹴紅平生孔北海未放酒樽空

喜雨

雲氣翻車盖天河注瓦溝滂沱三日雨登濟一年秋旱

火掃無迹狂雷怒不收腐儒營一飽卒歲恐復游  
初夏四沼獨坐

芳草沿堤長圓荷出水遲何欄楓醒酒岸噴雨催詩鷓鴣  
巢安在仙鳧鳴詎期游魚知我意吹沫弄清漪

縣中迎石金山甘露大士就放生池祈雨早上  
偕簿尉往炷香

甘雨祈三日香雲捧一龕依歸甘露滅珍重尉頭藍官  
事何當了枯禪且罷參蓮花初出水朝日借紅酣

再和

夜起占星畢朝超禮佛龕擁橋蓮墜粉紫沼水揉藍屏  
翳何須靳登伽不受參懸知天欲雨蟻戰已酣酣

再用韻謝王簿來詩褒借過當之意

黃嬾朝千卷青燈夜一合龍玄文今尚白袍色故應藍簿  
領聊爾耳朝班行矣參驚雷雖破柱午寢不妨酣

再和

早寇爭攘袂羣龍僅守龕雲峯疑燎火天色轉澄藍甘



露元同注叢林莫遍參新來焦湯甚無憂到沉酣  
過登源英濟廟祈雨

古廟出靈響吾儕非過求山田雖欠雨陂水尚通溝出  
郭漸無日祈年望有秋豚蹄真袂甚明信或堪羞

青山買舟

落日千鳥外青山一望中買舟群僕喜兀坐與誰同旅  
店孤煙起田家曲港通鷗盟暫時乞又踏軟塵紅

喜雨

雨脚初鳴屋風頭忽轉廊餘涼生簟枕好夢到池塘黃  
嬾真三窟青奴得兩忘功名休恨晚身世一藤床

七月初得雨後大有秋意

好雨真無價炎天不易求十全成稔歲一上作音涼秋

吏道陂塘責

原注近歲上司督責甚峻

民寬溝壑憂催科無奈拙此

去恐優游

除夜書懷

吳楚鄉風異悲歡物態多歲華驚晚暮吾道恐蹉跎莫

唱黃鷄曲寧為白石歌明年六十一不醉待如何

葉大猷挽詩

月旦評猶在題輿事已非田園寧作計鷗鷺為本志機此  
地期相款終天願忽違西風送丹旆老淚不禁揮  
非意俱飄瓦高懷只杜門誰云九地底猶抱十年冤未  
盡滄浪興難招楚些魂傷心追往事愁極却無言

淮西趙漕子固挽詩

疏抗廷臣右經傳弟子行江淮歸德政蠻貊誦文章世

路風波惡仙家日月長西林曾有約楚挽莫淒涼

西帥予曾忝無何馬首東計臺初不遠交篆竟成空夜

壑移舟半淮山落木中堂堂寧復見丹旌獵霜風原注予合

肥赴罷前後皆公攝  
事然竟失於一見

楊伯賢挽詩

月記鄉評好年推輩行尊巨山曾入夢楚些莫招魂太  
息馳駒隙渾疑隱鹿門他時耆舊傳知有姓名存

王彥謨挽詩

蚤歲游三舍明經東九師教名雖烜赫科第竟差池之  
子能傳業興宗會有時只今官家地看出印纍纍  
潤屋金千鈔浮生忝一炊里閭思長者門戶託佳兒華  
表終來鶴支牀尚有龜洗心元悟易杯水漫勞持

章解元挽詩

詩禮傳家舊田園晚歲豐月評猶未改露挽遽成空曲  
巷連桑陰幽巖長桂叢南坡吾獨往無復訪鄰翁

楊仲才挽詩

孝友懷宗族謙恭接里閭克家千樹橘教子萬籟書釀  
酒偏延客能詩亦起予天胡中不壽埋玉恨何如  
別意經時序音書缺置郵子來方問疾傲吏已移舟華  
屋生存處佳城身後謀望風懷執紼老淚為君流

和太守

豈弟循良守功成意益謙尋求七字律想見一生廉活  
火烹茶藥消愁媚酒帘南樓月華好吹笛指須纖

寒食風雨呈林正甫

不住風和雨思歸日似年他鄉寒食淚深院落花天午  
枕飛蝴蝶春山叫杜鵑有誰憐趙壹翫骸倚門邊

春大閱望郡圍齊雲樓悼亡

官事誰能了浮生迹易陳齊雲連綠蔭和淚送青春緩  
帶空凝月憑欄不見人只應曾到處愁極倍精神

三月初一日晴色甚快人意晚宿撮石嶺陳氏

書院

昨晚雨不止今朝天假晴路乾里堠縮人健板輿輕父  
老驚相顧親朋漸出迎端知華表鶴珍重故鄉情

喜雨

梅雨知時節農家喜若何積薪蠶下箔鋤水稻分窠綠  
有筍成竹黃無麥作蛾一春嘗苦旱三日未云多

次韻漢老弟對月滿飲

鶴髮金桃母娥眉萼綠華月圓香度桂飲罷燭生花何  
惜尊空酒能令春滿家更邀重九菊醉裏墮烏紗

前集卷之四  
詩集全林  
人前  
詩集全林  
詩集全林

詩集全林  
詩集全林

詩集全林  
詩集全林

詩集全林  
詩集全林

詩集全林  
詩集全林

欽定四庫全書

尊白堂集卷二

宋 虞傳 撰

七言律詩

和孫尉登空翠堂鼓琴酌茗有懷冷令二首

樓畔晴嵐翠拂空  
天教我輩一尊同  
只愁楊柳歸來綠  
却嘆桃花去後紅  
春事又還觴詠裏  
人生正墮別離中  
不堪搔首東南望  
獨立驚風嘆斷鴻

花滿芳洲月滿樓  
留連從事到青州  
巧分茗椀消磨睡

金定四庫全書  
卷二  
靜拂琴徽斷送愁寒食烟花知有幾上元燈火恰纔收  
冷官已辦江頭費爛醉春風典破裘

絕市無糯旋揆青穗日熬以釀戲成  
種秫無多望歲穰無功何日果還鄉尚無彭澤五十畝  
安得謫仙三萬塲揆穗昔聞今始見撥醅未熟且先嘗  
今年太歲還非酉慚愧隣家僅得漿

十一月二十八日用後山詩韻

日暮江東天一涯孤雲飛處路何賒雪將入臘未破白  
梅過先春競著花過眼光陰渾是客滿懷風雨正思家  
何如醉裏都忘却擬向窮途問麴車

石芥

杯酒流行四座傾此君風味始崢嶸搗殘薑桂嫌無韻  
掃盡茅柴不到醒崖谷野人羞自薦膏粱公子莫知名  
攀蘿採擷天寒甚誰念終朝掬不盈

林正甫與予中春並命為御史正甫按刑浙東  
道別去兼旬而予銜命按視陵宮經越上獲一

再款語臨行有詩因次其韻  
烏臺當日選名流  
僉謂君才與我優  
公議畧伸君便去  
上恩未報我寧留  
自憐秦緩難為疾  
豈意良霄尚有猶  
况是親年當喜懼  
欲將歸計問扁舟  
銜命陵宮偶一回  
山陰道上得徘徊  
溟鵬好在思搏擊  
乘鴈何嘗計去來  
萬壑千巖况秋色  
明珠白壁更塵埃  
相逢未穩還為別  
一段詩愁費剪裁

秋釋奠於學萬舍人示詩次韻以酬

昔年泮水忽專城  
文會何妨一再盟  
已愧簿書成俗吏  
却陳俎豆見諸生  
一時同隊魚猶在  
千載重來鶴更清  
况有卞峯青眼舊  
試登傑閣快雙明

脚婆子

此姥原無妬與嗔  
平生氣類竹夫人  
蛾眉漸遣溫柔夢  
鵝腹猶疑見在身  
包裹刑模才一衲  
薰蒸湯沸穩相親  
承恩脚底非由貌  
啓沃憐儂夜夜新  
三十日乃耘老弟生朝  
余護客舟行高郵道中

不勝戀戀之情因賦鄙句以寄之

愛日初看一線遲原注二十門弧喜氣又相隨遙知綺

席團樂處正是蓬牕寂寞時節愛堂中先遣信富陽驛

裏舊吟詩生涯已是千奴辨且泛新陽入壽卮

仲本別去才半月爾瞻戀不啻如隔歲奉此寄

懷

紛紛覆雨與翻雲只有吳人不世情窮迫每憐長袖舞

別離愁聽短歌行春波碧草連南浦朝雨垂楊拂渭城

絲竹未應陶寫得向來肝膽為渠傾

仲本索歸甚遽前詩送行言之不足見示知篇

覽之益用慨然再用前韻

幸有縑袍戀故人不應回棹遽忘情相逢且話十年事

此別又成千里行歸去我猶慚靖節催科誰解怨陽城

原注來詩有丁寧莫黃堂今有仁人在壁水當年蓋已

傾

別後寄主簿



塵埃襞積顏如甲丹墨紛綸眼有花君去何人堪共語  
秋來無夢不還家飄零酒醜今真止冷淡詩筒不復誇  
莫使音書成斷絕風前鴈字正橫斜

余假守是邦所幸今夏雨澤適中高下咸宜客  
有謂今秋一稔前此數歲未之有也果爾則幸  
矣因喜而賦豐年之詩

騷人墨客可無詩正值秋郊刈獲時此日三登殊可樂  
向來半菽亦堪悲家家芋栗兒童喜處處鷄豚父老期  
負郭有田歸去晚婆婆拙守不勞麾

除兵部侍郎賜帶趁朝參

幸叨持綦侍甘泉敢意恩榮慰暮年紫綬金章光照地  
絲鞭玉勒喜朝天兒曹莫起無魚嘆人世難為跨鶴仙  
報國無功還自愧直須及早決歸田

王誠之分惠卧龍新茶數語為謝

卧龍驤首奮輕雷一一槍旗次第開遽挽春風歸七椀  
寧容卯酒困三杯森嚴莫訝先嘗苦雋永方知後味回

不羨金釵候湯眼可能蕭寺略追陪

謝周晞顏寄惠新芽

摘鮮分送細茸茸知在春山第幾重  
包裏雅宜青箸節  
寵珍寧羨赤囊封  
礪驚雪落巖前石烹訝風生澗底松  
堆案文書吾欲睡賴渠喚醒小從容

以蓮心茶送鞏使君小詩將之

未雨餘寒力尚嚴巖巖前早見摘  
纖纖初嘗似帶蓮心苦  
迴味寧輸巖蜜甜渴想清香凝燕寢  
更餘黃卷亂牙籤  
一甌幸入春風手微草從今價亦添

再和

採得蓮心苦更嚴青裙白面退尖纖  
竹軒旋碾香塵散  
槐夢初回齒頰甜况是澄泉元帶錫  
自應佳句合編籤  
直須陪侍揮談麈習習清風兩腋添

以酥煎小龍茶因成

水分石鼎暮江寒灰撥磚爐白雪乾  
蠚眼已收魚眼出  
酥花翻作乳花團撐腸尚有書千卷  
枵腹無憂食一簞

只欠綠珠煎點在詩情寧使愧麤官

有懷漢老弟

先自無聊懶出門南坡一到一思君松筠俱是我培力  
亭榭無非卜築勤本約暮年栖息共豈期中道死生分  
風前試數當時鴈一鴈今歸何處雲

缺落槿籬須補綴稀疎菜甲欠鋤耘芙蓉泣露坡頭見  
桂子飄香月下聞策杖却愁成獨往舉杯誰與醉濃芬  
歡悰莫訝年來減觸目無非是憶君

村僮先遣掃柴門檢校園芳待置尊叢菊稍斑溥露點  
芙蓉已帶著霜痕詩篇縱好成孤諷心事憑誰與共論  
已是西風悲落木那堪幽獨更銷魂

有懷廣文俞同年

宦遊霜宿與風餐環郭青山豈曰盤餘暇每思親文席  
新涼政喜入中單交情老去才方見世事年來亦飽看  
顏色想君如李白却疑明月滿重巖

客來愧乏心炙茶罷空堆馬乳盤縱有詩篇慚和寡了

無心印可傳單平生黃卷能忘味晚歲青山未厭看歸  
去吾廬吾亦愛更須葺屋羨雕梁

祝君努力且加餐世路羊腸共屈盤烹鯉何由問消息  
割鷄政自困平單書生說食真成癖俗子疑人莫與看  
搜攬枯腸有文字玉川猶愛月團欒

萬山深處祇空餐報贈慚無雙玉盤日晏僅餘晨粥半  
夜涼更覺夏衾單憐渠許國丹心在付與窮途白眼看  
它日雞豚燕同社不煩父老見思樂

旅懷上石似之郎中

妄意彈冠不作踈向來曾是曳長裾倚門慈母須微祿  
當路羣公亦薦書杜曲詩成還踴躍河東賦在有吹噓  
上林不敢棲高樹斗水何妨置腐魚  
騷人先自不禁秋風雨相將作詩愁尚有壯懷因酒到  
苦無佳思暮詩休故鄉音信新來鴈盡日笙歌誰氏樓  
滿目黃花笑憔悴未應回首沒江鷗

暮鵲投林意自深向來一諾抵千金面看逆旆有歸色

足望窮途無好音，歲晚更憐霜點鬢。  
夜寒除是月知心，政應老死何須惜。  
或有遺書備訪尋。

余秋初離庭闈，冬至猶未得歸。  
夜讀宛丘先生秋日憶家詩，輒次韻以述旅懷。

屈指西風閱歲華，半年行役苦思家。  
綠衣歸去親闈好，畫角吹殘客夢賒。  
病裏中秋慵見月，醉中九日強簪花。  
竭來又過書雲候，節物催人一可嗟。

初八日早出洪澤開泛淮

乾道年中再講和，當時議者厭干戈。  
長淮不管蛟龍怒，巨艦寧容犬豕過。  
歲晚民方愁道路，天寒我亦困風波。  
中流擊楫非無志，時運相違奈若何。

和俞字仲遊南坡

列岫崢嶸棟宇連，平欄曲砌俯氓廛。  
坐談風月三千里，直傍雲煙咫尺天。  
粟里尚懷陶靖節，竹林還想杜樊川。  
冷官幸有田園樂，笑謝蘇公乞酒錢。

平昔相期汗漫遊，杖藜還肯訪林丘。  
君來便覺客不惡。

我醉無言山自幽  
柏子乍燃香拂袖  
酪奴初試雪浮甌  
慈親眉壽閒居好  
誰道周南嘆滯留

秋懷

登樓何處不陳詩  
况是秋高木落時  
極目但隨歸鴈遠  
老懷猶作故鄉悲  
母寧觴詠須前輩  
有底功名亦後期  
試問沈郎那得瘦  
此心原不慕州麾

結髮從來數亦奇  
人言猿臂不遭時  
詩成杜曲何多興  
賦就蘭臺只浪悲  
松菊不關年少事  
冰霜曾與歲寒期  
君看昨日涼風起  
瓜上青蠅豈待麾

余護客至盱眙  
忽有召命應廣文  
有詩相慶因用韻以謝

尺一西來喚我歸  
扁舟正是泛淮時  
功名不復平生夢  
物色能銷幾首詩  
去國九年嗟已老  
暮塗雙節偶然持  
一丘一壑真吾事  
慚愧夔龍集鳳池

九日南坡兄弟同集

曳杖携壺意頗長  
了無風雨破重陽  
團欒釘座橙方綠

蓓蕾扶籬菊未黃  
醉裏茱萸須遍插  
尊前鴻雁正成行  
持盃快嚼誇強健  
只恨雙螯未著霜

和九日南坡小集

風雨年時正不佳  
山翁無酒向誰賒  
又還九日看黃菊  
却喜晴天映碧紗  
有底尊前悲節物  
只應醉裏送生涯  
明年徧插茱萸處  
目斷西飛雁影斜

九日雨

滿城風雨不禁秋  
寧是先生懶出遊  
採菊未成三徑約  
看囊尚有一錢留  
催租有底關詩思  
落帽何妨付酒舟  
今歲重陽還是客  
湖山信美豈吾州

和安撫王誠之給事重九日登高詩韻

登臨興引越山高  
醉眼何曾識二豪  
戲馬向來誇勝餞  
卧龍此去記吾曹  
風前短髮還羞杜  
筆底新詩欲和陶  
賴有蛤蜊風味在  
固應居士笑盧遨

再和

秋鴈初飛幾點高  
卧龍送目十分豪  
且容司馬吹紗帽

莫向參軍問騎曹  
飲吸百川從醕酏  
詩驅萬象入甄陶  
菊花開日重陽  
是有暇何妨更一遨

再和

眼橫秦望接雲高  
不獨詩豪酒亦豪  
豈是過呼韓吏部  
未應輕比漢功曹  
尊空北海懷文舉  
菊遶東籬念老陶  
只恐詔歸天尺五  
直須秉燭與公遨

吳守相邀壯觀登高坐中出示佳篇因繼韻以酬

壯觀登臨引興長  
黃花亭下未經霜  
江平鴈到涵秋影  
野曠鷓歸帶夕陽  
佳節欲酬須醕酏  
今年在處說豐穰  
楚雲不動淮山碧  
且緩笙歌醕羽觴

吳守置酒壯觀為登高之集因賦數語

九日登高作勝遊  
使君携客此遲留  
天連楚觀風吹帽  
木落淮山菊滿頭  
何處臺前猶戲馬  
幾人江上不驚鷗  
年來只有身窮健  
莫把茱萸浪自愁

有懷南坡蓋雪阻旬日不到



金定四庫全書  
卷三  
催年節物太頻頻不涉南坡又一旬蒼檜風前應強項  
玉梅雪裏想精神後車同載有名酒折簡欲呼無可人  
說似阿連須早計鶯花休擬負青春

使北宿留盱眙

浩蕩春風吹客愁誰教楊柳繫行舟燕然有約終須到  
淮水無情只漫流蝶弄風光還草草鴈傳消息底悠悠  
梨花寒食無多日且傍南山作勝遊

林正甫寺簿舉似所和判院徐同年詠所居詩

且俾同賦

二妙詩情僕命騷戲驅萬象入甄陶三休亭上頻回首  
八節灘中穩著篙巢幕祇應憐乳燕戴山誰復笑靈鼈  
也知廊廟須公等寧羨華堂數仞高

謝廣文俞同年惠鱖魚

朝朝麕羈腐儒餐清坐焚香篆印盤早計何嘗為溫飽  
倦遊誰復念羈單甕頭社酒欣方熟籬下秋英漸可看  
更寄拈魚君有味鼎烹曾覆晉之藥

杜門絕俸呈陳倅

家食年來嘆不充，支離受粟信無功。  
白頭慈母須微祿，青眼何人到寓公。  
未辦殺雞留郭泰，更能給俸助盧仝。  
半生畫餅真堪笑，已戒奴星好送窮。

學錄李詩翁以詩訪余於乳溪之上，且求縣學

積俸，偶值窘匱，恨不能滿其意，漫以數語送之。  
第饑來不堪煮耳。

二月江南花氣昏，錦囊詩話喜重溫。  
百篇換去東湖骨，一醉招來北海魂。  
投老黃塵真左計，半生青眼向誰論。  
學宮乞俸能多少，驥子憐渠蚤候門。

勸漢老弟飲酒

尊前一醉莫辭頻，三萬場當歲十旬。  
况有好詩能泣鬼，寧無妙畫可通神。  
快呼左手持螯客，莫著傾身障鹿人。  
綠漲大江渾是酒，蒲萄波面已生春。

送林子長赴姑孰泮宮

綠波風駛引征帆，九萬扶搖入羽車。  
詩句最憐雲不定

宦情況與月同寒襟期莫作別時惡出處須留晚歲看  
漫道江東懷李白清才應合在金鑾

和鮑倅暴雨大水之作

坳堂方笑芥為舟驟雨俄驚滙衆流天漏不知何處補  
地卑轉覺此生浮會須擊水扶搖上正想乘風汗漫遊  
宦海陸沉聊爾耳詩人休詠白蘋洲

以新米作撈飯有感

老矣何妨受一廬笑渠楊惲強歌田驚心赤地三年旱  
慰眼黃雲八月天他日江船來白粲暫時水碓搗紅鮮  
軟炊香飯憐脾病從此長齋繡佛前

自嘆

落落高才豈晚收枉將歲月送菟裘未能鵬擊三千里  
空費龍驤萬斛舟明月有珠誰按劍珊瑚作網漫沉鈎  
求田問舍非吾事豪氣元龍死不休

明經青史不難收怪底依然處士裘誰謂封侯安事筆  
我聞定霸必焚舟驤騰夷路須聯轡鰲負三山好擲鈎

對策清時看第一未應蘊藉愧裴休

冬至後五日夜雪復作再用韻

燈火黃昏漸漸收鳥已盡典輕裘自寫浮蠟床頭甕誰

繪新鱸江上舟卧聽玉霽驚浙漑起看瓊樹怪聯鈞多

應武仲添詩興下筆翩翩更不休

綠野功名一戰收何如危坐擁狐裘歌兒解吃銷金帳

酒子能添藥玉舟莫為溫柔尋伐斧免勞服餌到懸鈞

誰言柳絮渾相似惱亂春風恐未休

銀燭生花香霧收中堂密坐促貂裘羊羔兒酒浮瓊竿

牛尾狸酥映玉舟扶醉緩歌金縷曲怕寒催下畫簾鈞

紛紛擾擾成何事且闕尊前一笑休

移守吳門酌別姜總管

宦遊踪跡一浮萍末路從公蓋已傾方喜溪山來入社

忽驚絃管作離聲河梁戀戀看雲別剡棹看看載雪行

從此江東還渭北莫因契濶負詩盟

黃仲本自浙西漕幕得倅臨安暫往寓居德清

遽然話別詩以送之

外臺賓幕始知名見說君王念老成此去監州真有命  
向來相國詎忘情吾儕老矣難為別世路悠然莫計程  
強說從來還信否一篙春水片帆輕

得旨與即歸自浙東余成卿王貫之葉德遠追  
送至於震澤舟中款語數日而後別

懷抱連宵得好開莫愁波浪與塵埃中年已是難離別  
此地何妨數往來送我扁舟寧作遠喚人歸鳥苦相催  
邈然後會知何處更欲臨分把一杯

和湯倅留別

官冷門前可設羅高軒多謝肯相過別離漸近那堪說  
觴詠從今莫厭多風月平分聊爾耳雲霄咫尺奈君何  
漢庭行且迎枚乘南浦從教恨綠波

端午日用韻

今朝端午懶吟詩此意兒曹莫遣知萱草著花空有恨  
菖蒲稱壽永無時遠途日暮休回首近事風傳只皺眉

角黍堆盤何處奠沉湘千古使人悲  
無眠

蛩吟砌下豈知時我亦無眠有所思  
夜永只憐燈作伴  
秋涼最許簟先知十年擾擾夢中事  
一笑悠悠世上兒  
數盡更籌牕送曙起來贏得鬢成絲

拒霜

纖枝綠葉競成叢誰障西來落木風  
霞散纒頭千丈綺  
春回醉面一番紅伶俖欲嫁還羞晚  
梳洗隨宜不愛工  
况是秋高花已少對花莫放酒杯空

聖龍長老資公求修佛殿疏余不暇作也昔丹  
霞燒木佛院主墮落鬚眉普賢勸修古佛末後  
童子證果居士舉此公案二段以問聖龍若下  
得一轉語則佛殿一時修了其或未然定又去  
眊擾檀施笑因作山偈奉送只此大勝作疏頭  
勸緣也

風雨漂搖紺宇催百身古佛盡莓苔政須豪士修檀施

定自諸天打供來向晚鐘魚猶短氣只今龍象亦生哀  
道人莫憚朱門去會有青蓮一朵開

烏程宰十三日往龍洞禱晴歸言見田家兩岸  
車水其聲如雷兼刈獲甚忙若得旬日晴則農  
事濟矣因作田家嘆一首

慚愧田家趁好晴鴟鴞兩岸水車鳴畦丁露宿腰鎌健  
饑婦泥行脚板輕作苦僅能供伏臘有年何處不昇平  
只愁官裏催租動里正敲門沸似羹

千秋嶺

輕陰漠漠雨班嶺上風來一解顏已是去天才尺五却  
令緩步有躋攀飛泉百道縈羅帶列岫千峯擁翠鬟  
應是北堂春正滿幾回回首望家山

用韻賦歲暮田家嘆聞之者足以戒也

催科里正莫頻頻望麥登場更浹旬紈袴向來無餓死  
黃冠此去罷迎神田間作苦誰憐汝天上調元合有人  
自嘆農家消底物百金斗米便回春

枕上偶得數語錄呈林子長

碧梧翠竹日相高，懷想家山魂夢勞。  
鐘鼎固知非我事，箕裘猶可冀兒曹。  
眼中誰是真犀角，池上君今有鳳毛。

原注令嗣登科

直探牛心屠豕耳，能安貧賤乃英豪。

再用韻呈林子長

癡兒誰識坐談高，撫字年來亦漫勞。  
簿領何妨聊爾耳，湖山正是屬吾曹。  
百年心事空三嘆，五馬人生却二毛。  
欲作報章還自笑，郊寒寧解敵韓豪。

擬案偶得數語錄呈簿尉

昔年官冷歎無檀，製衣錦如今又不然。  
老去幾遭官長罵，書來却有故人憐。  
敢期翠羽還池上，漸喜黃衣減目前。  
欲學催科無奈拙，直須天假一豐年。

呈吳守

風流正始孰追回，沈謝曹劉豈乏才。  
詩律恢長憐我老，吟編端的賴君開。  
秋懷拍拍須千首，世事悠悠付一杯。  
已是醉吟輸白傅，雪霜頭上更相催。



贈潘接伴

淮海相逢便說詩  
新來匡鼎解人頤  
句中有眼人誰識  
絃上無聲我獨知  
每見朋遊談警策  
偶因王事得追隨  
西湖近報梅花約  
歸趁東風第一枝

再用難字韻簡潘接伴

當年名下無虛士  
此日詩中有二難  
方駕飯山何大瘦  
拍肩東野不言寒  
來章只好先呈佛  
屬和何當勝得官  
珍重牛腰成巨軸  
丁寧莫與俗人看

和潘接伴韻

久矣聞名忻識面  
哦詩一字果何難  
筆端風月窺天巧  
句裏冰霜飽歲寒  
自昔登壇須老將  
祇今握節愧麤官  
相逢忽有新篇贈  
病眼摩挲得細看

和探菊南坡

春來自分菊成坡  
秋晚何妨日一過  
喜色忽看眉上見  
露華應向掌中多  
一枝須索蟻浮甕  
三徑從教雀可羅  
坡下有泉唯可飲  
西風吹鬢未應皤

出郊迓倅車暮歸二首

簿書叢裏得抽身，豈是將迎不厭頻。  
何處雞豚燕同社，有時鷗鷺喜相親。  
山頭落日催歸騎，陌上豐年見醉人。  
更羨柴門無限好，今宵相對月華新。

軋軋籃輿迫暮歸，前村燈火漸依稀。  
溪邊默數黃牛過，

煙際遙看白鳥飛。把酒無人風落帽，

原注是日重九

荷鋤有客

露濡衣，闌門山寺知何許。忽聽鍾聲度翠微。

和陶學士長雪詩

寒侵病骨笑支離，爐撥通紅小放圍。  
風運六花侵几席，雲移萬杵碎瓊璣。  
從渠窮巷回車轍，休羨朱門點舞衣。  
造物誰憐為學苦，分光先許到書帷。

賦雪

風緊靈犀怯鎖帷，曉來白盡遠山眉。  
石蹲錯認鹽形虎，地煖應知穴處狸。  
色渾江梅無眼目，潤添隴陌有膏脂。  
朱門酒食嗟遺臭，藍縷樵夫不掩肌。

再和

金定四庫全書  
卷二  
風回雪急巧穿帷黃竹歌殘更歛眉燕集幾家尋鵲鷺  
獵回何處問狐狸長饑政自愁黃獨高卧誰能管竊脂  
賴有寒梅為老伴也應凍減一分肌

立春日雪

占候農祥恰正晨一天遽有散花人飄揚柳絮猶疑早  
點綴梅花欲亂真但愛千峯如立鵠誰憐百結有懸鷄  
元冥珍重豐年意分付東皇作好春

和漢老弟雪詩

大皛行春未有聞六花連夜舞繽紛落梅未曉驚三弄  
宿麥先秋定十分飛上綵幡憐我老映來書幌慰兒勤  
四時代謝從來事造物何心更策勳

漢老弟寄示雪詩倡和已成軸矣因次韻

臘盡水花墮渺茫詩來爽氣想清揚潤添隴麥知年熟  
影浸溪梅見月將閉戶誰能呼白墮迴風却笑舞紅粧  
小橋夢入南坡路並轡騎驢賦短章

衡門雖設晝常闌人在瓊樓玉宇間一笑眼青餘老檜

相看頭白祇高山攜壺索共梅花醉著屐扶行竹杖班  
此興此時吾不忘倦飛深羨鳥知還

飛灑羞明不肯朝徘徊待伴未全消將花著袂元無跡  
認柳吹綿別有條壁月半規開水面玉龍千丈轉山腰  
元冥已是呈三白青帝何須又一飄

一冬無雪立春後九日始有之次湯倅韻

冰花何事太遲開肯傍春風脚底來飛絮漫天輕認柳  
落英滿地錯憐梅元冥莫恨空歸去青帝從教倒載迴  
官冷無檀須一醉可能來共即時杯

和子長縣尉林同年立春後十日風雪大作訪

客不值

一東烏薪抵百金外間風雪政愁陰履穿東郭先生病  
梅老西湖處士吟青帝未交春滿日元冥還有歲寒心  
蹇驢不踏長安道恐落泥塗跡愈深

和湯倅春雪

雪瑞元來竟不空豐年消息喜潛通故憐梅老扶衰白

未放桃夭嫁小紅夜動簷花猶帶雨晴看隴麥待搖風  
強顏追逐新年事倍費天人剪水功

十二月二十六日早起雪已三寸許夜來初不

覺也

曉來眼界忽然新一色瓊瑤與爛銀人事乖時空請禱  
天心迴後只逡巡不教三白孤殘臘要與千家作好春  
宿麥連雲雖入望路傍猶有翳桑人

和耘老弟慶太安人恩封

天上恩榮逮我親日邊消息趣銜賓

原注封誥以五月一日下

光生

花誥宜多壽喜動萊衣別有春須信慶源能衮衮故教  
樂事愈頻頻明年不但郊封止八秩重看寵渥新

和耘老弟喜雪

天憐好景付君收一笑春生紫綺裘賦就兔園爭授簡  
酒酣鯨海快吞舟怪來柳絮穿簾額舞上花裯襯襪鈎  
畫餅豐年賒一醉臘前三白詎應休

和漢老弟雪下不聚

剪水飛花散又收  
天人袖手翠雲裘  
待滋宿麥須連隴  
政慮流民醉覆舟  
村店浪誇沽酒旆  
寒牕誰上釣詩鈎  
元冥豈是癡兒子  
且與天公了事休

雪晴後書懷

爛銀白壁遣誰收  
米盡家家典破裘  
應為溪橋添曉溜  
豈憐野渡有橫舟  
侵凌蓬鬢霜千丈  
浮動梅梢月一鈎  
歲晚風光天必相  
未甘亭上話三休  
明堂杞梓必兼收  
未信英雄老一裘  
彭澤不妨聊束帶  
巴東何事嘆孤舟  
會須取印大如斗  
寧羨封侯曲似鈎  
咄咄那庸如許事  
尊前且食蛤蜊休

因次郊行韻眷然懷歸

杖藜何日返林垆  
夢想西山幾草亭  
叢菊暫為三徑白  
垂楊又見兩番青  
宦遊知己雲中月  
市道交情水上萍  
多事不須漁父問  
舖糟久矣忘偏醒

連日大雪獨坐有感

低唱誰家帳縷金  
何如短棹泛山陰  
天邊鴈斷無留影

泓下龍寒亦懶吟  
着柳便隨風作態  
欺梅除有月知心  
晴光却喜前村動  
春事從今日日深

呼得蒼頭數橐金  
旋沽村酒過墻陰  
焦琴不鼓知音斷  
凍筆頻呵作意吟  
擾擾漫天空眩目  
看看出日為寒心  
憑君試向江邊問  
又漲晴波幾尺深

吳使君置酒見邀坐間雪作有詩即席和韻

漁簑江上晚垂鈎  
艇子何如喚莫愁  
相伴梅花開瘦嶺  
寧將斗酒博涼州  
夜歸深巷聞驚犬  
歲稔無人見佩牛

明日樓前增偉觀  
試看銀海戲羣鷗

被旨暫攝四明已具舟而雪作王誠之有詩

相餞次韻

剡溪風雪正紛紛  
暗想清遊已目存  
頗怪扁舟遽乘興  
應緣坐席不容溫  
海圻聊爾誇千騎  
帳底何如具一尊  
回首兔園吟賞地  
從今授簡致頻煩

和漢老弟喜雪

為瑞雖多却不宜  
誰憐孤坐撥灰時  
興添竹葉蛆浮甕

瘦損梅花雀抱枝閉戶從教行跡斷裏裘猶怯暮寒欺  
天公似欲還三白冷淡家風合有詩

劇暑出局徑歸打睡踰月不奉正甫談緒且頓  
寒詩盟有詩見問輒次韻謝不敏

早歸伏日莫躊躇晝寢從教笑宰予莫枕清風招我老  
攬衣閱月向人踈寧無酒共公榮飲亦有詩成阿買書  
須待雨涼尋舊約只今旱火况焚如

太學秋試封彌夜深獨坐懷考試諸友

衡鑒高懸已自公修嚴官禁不通風樊牆便有河山隔  
夢寐猶疑笑語同離索暫應踈酒醞往來爭敢遞詩筒  
燈花預報楊園約端的釵頭綴玉蟲

西歸有期喜而復作

懶於塵土踏京華張翰西風久憶家江上魚肥應可繪  
田家酒熟未容賒狂蹤泛泛渾猶梗病眼昏昏祇欲花  
為報王孫早歸矣莫憑芳草浪咨嗟

十二月初六日抵儀真解舍次日即出護使客



天氣嚴寒裏河水合有厚一二尺者打凍峻急  
不免取山路徑走都梁

王式當年本不來那堪歲晚犯塵埃淮分南北誰為梗  
路適東西意自哀錦纜千艘分玉帛冰河萬處碎瓊瑰  
只消一夜東風力一一船頭盡撥開

和耘老弟得銅龜韻

神龜又復化頑銅塊處潭心智莫窮豈悔劊腸遊夢裏  
還羞曳尾向塗中波搖金色連山赤星動瑤光徹夜

紅網送吾家占瑞應向來左顧與今同

冬至之二日兄弟兒侄偕過西山道院歸而微

雪

忽然薄暮暗江天衝面涼風馬不前五色書雲占昨日  
六花瑞雪應明年向來水旱民何罪此去流移天盍憐  
逗曉陽烏升若木摧頽病鶴亦踟躕

雪後過南坡

南坡千樹總瓊瑤走馬來看及未消短鬢負風前愁素鎖

金定四庫全書 卷二  
衰顏酒後借紅潮松饒蒼鬣猶能奮梅賦香魔苦費招  
此景此時無我共新詩吟罷獨長詔

扶柔暖翅接金烏韞上饑鷹待一呼懸滴梅梢珠璀璨  
墮花檜頂粉糝糊明年翠浪麥酒好何處青帘酒可酌  
萬里江山誰畫得天開新樣雪晴圖

回程泗州道中

淮北燕南昔混同相望却恨馬牛風往來未省誰為伴

原注接送  
皆女真人

言語從來自不通百歲遺民愁緒外數聲羌

笛夢魂中

原注接送伴先  
乘馬以笛自隨

徑須急渡長淮去三月烟塵一

洗空

挽新安恭榮王詩

安僖折派慶源長憲靖倚蘭奕葉芳可但詞章誇華白  
更餘政事說龔黃兩宮密侍清閒燕三事榮分袞綉光  
生死哀榮誰得似宸綸一品贈真王  
弁峯茗水挽將歸北第南園自一時過眼浮名真是夢  
回頭樂事總成悲荆蘭膝下同黃壤鴻鴈行中失白眉

曾定四庫全書  
卷二  
曾是汝陽門下客淒涼空咏八哀詩

挽崇憲靖王詩

龍慶安僖八十春綿綿僊李更蟠根王封一品身尤貴  
位冠三師德愈尊華萼樓邊空墮淚白蘋洲上重銷魂  
哀榮終始公何憾節鉞貂蟬萃一門  
詔書催喚衮衣歸富貴誰知己息機北闕恩榮寧久戀  
東山雅志肯相違傷心水月人安在回首湖山事亦非  
它日蘓公堤畔路祇愁老淚不勝揮

余居太夫人憂三年淚枯老眼既除喪頗理故  
書似覺有味矣數日眼疾作此事又廢殊無聊  
賴惟有思索詩句可以度日耳

三年涕淚劇懸河斷簡殘編奈若何縱使相看青眼在  
故應添得黑花多衰遲把酒元無分冷淡觀書亦有魔  
掩卷相吁心自了莫將文字問維摩

前詩謂思索詩句可以度日第恐終無益再賦  
一首以廣之

年來世味一毫輕宿契詩書尚有情  
魔事從教雙眼赤內觀還覺寸心明  
思量詩句嗟無補檢校醫方恐未精  
俗學可憐誇口耳何如默坐息營營

挽吏部石似之

四海聲名桂一枝流年僅反手中著  
康成未免龍蛇厄

翁子寧酬富貴期

原注公享年止四十九

天上玉樓須好記人間

金谷漫遺詩宦途落寞知音絕三撫朱絃只自悲

憂國囊封豈是疎有才無命信何如  
風迴冊府三山遠

星殞即墻一位虛賈誼自傷終太傅  
薛收若在必中書

哀哉埋玉今何地却返當年處士廬

期公簪橐侍甘泉底是上天不假年  
才大難為當世用

文高猶有後人傳魂銷閩檄千山路  
淚挽銀河七月天

會葬誰歎銘郭太固應無愧翠珉鐫

和紹興錢參政貢院落成

能為君王獵雉英區區循吏笑西京  
忽看廣廈千間闢

奮覺先春萬木榮有客囊中來露頰

原注預薦者十九人

何人壘

上去傭耕知公造化無遺物咫尺龍門雷電生

挽水東吳王簿詩

當年投筆過淮山油幕談兵故不凡老去功名空白髮  
向來簿領愧青衫龍龕內典超金界鴻寶遺編付玉函  
況有諸孫振門戶不須留恨黯松杉

挽主簿楊仲遠詩

居士胸懷壑與丘琴山懷抱枕清流一區宅好真揚子  
萬卷書多似鄴侯好客亦嘗陪俎豆諸郎殊不廢箕裘  
人間俯仰成千古痛念吾鄉馬少游

挽僊尉黃公詩

平生懷抱欲凌雲元祐名家蓋有君況是生兒勝武子  
何須不第嘆劉蕢傷哉未作河西尉已矣還空冀此羣  
從此太湖風月夜一聲漁笛不堪聞

除日失步詩以自解

雙脚平生不踏空誰教仰面看飛鴻娛親政要同菜子  
爛醉何曾過阿戎已分折腰營五斗恐因折臂作三公

妻孥不用閑惆悵得失從來塞上翁

丁未禮部貢院監門次張伯子判院韻兼簡正

甫判院三詩

金門誤喜綴朝班猶自塵勞債未還  
曉漏驚催門外鷓  
春蠶空想管中班羣公神遇無全日  
老我旁觀只汗顏  
安得僊人修月斧與君携手到中間

禹鑿金門高競化龍桃花浪暖百川通  
圖南俱運雲鵬翼  
逐北誰收汗馬功鎖鑰僅能防宿弊  
權衡正好變又風

抱闕碌碌真吾事竊喜清朝取士公

槐市同登弟子員  
藜鹽燈火記初年  
尋春紫陌風流在  
通籍金闈步武聯  
眼底要觀新事業  
筆端猶著舊山川  
夜牕細話行藏處  
始信於君有厚緣

林正甫察院出示送劉德修都運殿院詩并德  
修和章人事好棄置之勿復道也第一見傾蓋  
如平昔而萬里遠別又不能一面得非皆有不  
偶然者存乎勉強繼韻一寫胸中磊塊而結戀

之懷又有詩所不能盡者  
吾道艱難孰使然憂來直欲問諸天方看驄馬避桓典  
遽為蝦蟆賦玉川去國身輕寧動繫勅使君意在故卷卷  
瞿塘灑瀕風波惡百丈孤騫上瀨船  
彈劾生風筆有神天教末路得相親從來名下無虛士  
今見朝端第一人銷印不知誰發難投珠那得謂無因  
何妨弭節潼江上我亦歸歟伴隱淪

思歸

風雨連朝作伴牢只堪痛飲讀離騷誰知老境侵腰脚  
早是多情惜鬢毛杖屨出門還有碍簿書堆案敢辭勞  
年來俯仰終無補尚欠歸田一著高

中書邵舍人挽詩

璧池鼓篋歲庚辰蟾窟分枝癸未春夾侍螭坳司記注  
同升鳳掖演絲綸靖言交契從來厚追想音塵不復親  
拘綴無由陪執紼招魂楚此為沾襟

春大閱呈郡僚

青油談笑坐生風便覺湖山氣象雄霽色喜浮旌旆上  
歡聲爭入鼓鼙中中軍合用詩書帥上馬空慙矍鑠翁

橫槊賦詩君等事何妨寓目此時同

秋大閱呈卽僚

橫槊何人解賦詩東方千騎出郊時天高霽色旌旗上

原注是日雨霽地迥秋聲鼓角悲漫投一篇黃石老相從千載赤

松期原注出赤松門據鞍矍鑠非吾事慙愧江湖把一麾

和使君玆輩大監秋閱

金鉦擊鼓肅秋聲畫戟油幢照座明千騎夾營橫朔氣

六花簇隊煥新晴雍容壇上看儒將潦倒尊前愧老兵

橫槊賦詩豪傑事澄江休數謝宣城

和吳守賦秋閱之什

秋郊小隊暫徘徊誰信儒門出將才千騎控弦吳月滿

一聲鳴角楚天開賦詩已是誇橫槊看劍何妨更引杯

收取中原報明主凌煙事業正相催

送鄧舍人將漕西淮用舍人坐上詩韻



西湖煙柳勝陽關遮斷淮南大小山詩好固應傾座上  
酒行猶喜到花間君王納諫寧容去風雨愁予豈坐慳  
未用疾驅催上道鋒車有詔徑須還  
醉裏誰分主與賓離觴到手莫辭頻感懷今日知何日  
屈指三春破二春北郭忍教風送客江湖猶賴雨留人  
晚晴依舊山光好穩穩移舟傍玉津

送別王誠之給事

嫋嫋酸風吹客衣冥冥芳樹攪愁思誰教官路分南北  
自是人生足別離送岸飛花何太急留人夜雨故來遲  
眼前他日鳧鴻墮莫作情疎不寄詩

挽俞君任通判詩

鄉評月旦尚依然旁郡人稱別駕賢邂逅宦途同晚歲  
游從太學記當年誰憐冷落堪為地我欲吹噓送上天  
薦墨未乾君已矣漫憑楚挽慰重泉

日來歡意頓減幸秋雨既足中秋定晴預約南  
坡小集觀月且屬耘老弟董其事

酒熟床頭已聖清吟詩牕下莫悲鳴故人明月從來共  
今歲中秋定好晴雨脚已隨荷蓋盡風頭還逐桂花生  
試謀一笑君須會誰道尊笑不成

十一月一日早起

悵望淮山落木風楚天雲霧更重重粵從西路來東路  
倏見三冬過一冬貂敝人誰憐季子樓高吾豈下元龍  
求田問舍今良策自覺歸歟興頗濃

離都下

經年不踏軟紅塵偶入修門事事新本為湖山尋舊約  
却愁風雨送行人多情黃菊空搔首無伴芳醪可入唇  
今歲重陽殊草草南坡歸夢夜來頻

十七夜待月

青天遙望片雲無坐待冰輪出海隅沆瀣已垂梧葉重  
嬋娟猶惜桂華孤夜闌紅燭休更秉春滿香醪不用沽  
且放虛簷歌緩轉恐驚三匝未棲鳥

是夜三鼓後睡起月色滿庭

幽人睡起已三更始信今宵不浪晴  
天宇元來如許淨  
月華別是一般明  
風前鴈斷應無信  
露下蛩吟豈不平  
無賴姮娥肯留照  
疾驅蟾魄度前榮

九月八日遊報本寺

詩翁懷抱十分秋  
探借重陽作勝遊  
蓮社政須陶靖節  
竹林未羨阮陳留  
逢僧應說無生話  
顧我何如不繫舟  
明日黃花須斗酒  
莫將容易換涼州

連日禱雨猶未應也  
數語漫述皇恐之意呈簿

尉

誰令旱魃逞神姦  
悵望西疇一雨慳  
日永六龍方緩轡  
天高九虎政當闕  
不論賦入今難辨  
見說流移昔未還  
地上小臣真蟻蝨  
祈無效祇慚顏  
小兒曼倩儘狂姦  
試掉雷車與破慳  
慰我農民須早計  
憐渠歲事頗相關  
齋盂併日渾忘味  
詩債如山只欠還  
謝令冥頑推不去  
毫絲無補亦胡顏

政在簿書叢中王簿示二詩推案漫述數語

文書堆案汗如洗，鴈鴛滿庭聲甚喧。縱有可人來眼底，  
了無佳思到吟邊。翠眉對我何曾展，白眼逢渠不受憐。  
上策從來三十六，就中除有一歸田。

新糊小室明簾戲書

先生文室淨無塵，白紙糊簾莫笑貧。夜靜氣嚴寒不動，  
朝來雪積欲爭新。圍爐只用深藏火，隱几還應煖初春。  
紙帳一床餘紙被，不妨更作獨眠人。

宿巢縣地藏寺枕上偶成

年來蹤跡漫奔波，其奈功名有命何。畫虎向人無好手，  
飯牛憐我有悲歌。丹心永夜燈前苦，白髮明朝鏡裏多。  
却謝前村鷄唱好，呼兒起舞肯蹉跎。

家書送白額因賦

虎踞南山孰敢樵，盜渠名字却深逃。誰能雪裏窮三窟，  
縛送尊前慰老饕。試喚玉纖揎碧袖，笑看霜片落金刀。  
族庖堪恨無風味，紅暈蒸花更藉糟。

丙辰二月上丁釋奠致齋於經史閣呈邵僚

泮水分明記舊遊上丁祠事得重修音遺金石疑猶在  
菜有蘋蘩信可羞老我今慚即文學諸生試覓汜鄉侯  
緬懷安定規模遠傑閣城西最上頭

和鞏使君釋奠韻

疇昔東家一畝宮推尊昭代比天崇絃歌未輟文斯在

俎豆親陪獻有終原注某添采藻載歌思泮水浴沂行

詠舞雩風原注湖學故事上巳日拜安定墓自慚謬玷詩書走未羨諸

儒舍蓋公

宿臨安童縣尉庵童尉送酒

原注重陽日

深深松竹隱禪房更渡溪橋暫解裝但喜還家無數日

不知行路過重陽白衣送酒勞相問黃菊依人未肯芳

珍重山僧能會意殷勤掃榻為燒香

次林正甫韻

湖山夢想阻登臨柳色門前綠未深老去青衫誰著眼

向來白戰尚寒心澆愁可欠杯中物遣興聊為洛下吟

倒指啓關春已暮直須修禊繼山陰

護客高郵道中舟中讀簡齋十月詩因和其韻  
 莫莫休休興已闌滿頭塵土更彈冠鴈從北到傳書易  
 淮界中流遣恨難蓬底吟哦詩有味胸中磊砢酒無歡  
 故人莫枉緜袍意范叔猶能忍一寒

王貫之有詩留別因次其韻

檣頭語燕底匆匆滿幅蒲帆送客風命與仇謀從此逝  
 病兼貧至向來同紛紛時事愁眉上咄咄人情醉眼中  
 頗覺田園歸去好固應為首末渠東

林子長見訪泊舟姑蘇臺下有詩因次其韻

懷人玉樹向風前明月中秋動隔年  
原注予三年間轉徙湖婺吳門三郡

凡兩度中秋與子長相會勝處盃中忘爾汝幾回紙上落雲煙已能

命駕來吳苑未許回舟指雪川顧我從來無此客漁蓑

那得戀江邊

朱天永示僕二詩蓋有激而云者因用其韻以

廣之

是非得喪一毫輕蠻觸何勞角上爭未可輕量天下士

渠知不是彀中英平生我亦輕餘子到處君安得此名  
勿對秋花嘆憔悴春風回首又欣榮

彈鋏悲歌莫浪嗟筆耕心織是生涯區區子豈癡摹虎  
事事吾猶錯畫蛇不分縮頭幾類蟹苦嫌怒目幾遭蛙  
憑君試讀山君傳鶴豈能言為嫉邪

漢老弟近書云欲看文字無暇作詩再用韻

脫粟羹藜未厭餐何心華屋薦金盤風前覓句中常岸  
月下揮觴影亦單懶拙不堪當世用行藏留與後人看

也知妍醜初無定馬面相憐亦突爨

原注諺語有云

### 太守送酒詩

拜捧雙壺急破封蓬蘆驚鳥怪鬧兒童歡生和氣薰蒸外  
春在先生醞釀中枯涸詩腸偏借潤飄零酒盞不憂空  
更看小隊尋花柳太守風流似醉翁

黃堂還復念酸寒餘漑分來玉笋寬遽遣芋柴羞避席  
快呼苜蓿強登盤步兵勝處輕劉子北海狂言迂阿瞞  
何似老虔春夜酌簷花細雨洗愁端

以郡醞十斗送林子長

我友溪堂愛說詩  
兵厨况有酒如池  
留髡一石從來慣  
訪戴扁舟莫太遲  
已辨鷓鴣夷陪後  
乘姑今從事作先  
馳憑君試向松江望  
綠漲蒲萄正渺瀰

郁簿行年四十有九  
讀李大白潯陽感秋詩慨  
懷有作次韻勉之

清德如公畏四知  
流光底事感圓著  
日邊丹鳳聊棲棘

月下驚鴻尚揀枝  
原注君不妄求當路薦  
五十知非慙漏盡  
百年

強半怪駒馳買臣  
富貴猶堪待莫誦  
潯陽落魄詩

用山門記遊韻賦  
醪醕簡林子長  
不蒙寵和豈不復作書生  
調度即因以詩督之

嫋娜柔條不自持  
鎖牕深處最相宜  
試教纖手簪雙鬢  
莫遣新愁上兩眉  
子建洛神空有賦  
樂天楊柳可無詩  
為君喚起溫柔夢  
春色池塘日正遲

戲簡林子長

溪上園亭處處新  
想君屢費橐中銀  
鶯窺綉戶煩三請



蝶遶花梢知幾巡恨不即時謀載酒恐因暇日得尋春

只愁又隔同年面却欠尊前似主人原注聞子長饑萬元亨飲梅花下命

侍兒歌以侑酒萬亦賦詞僕則未之見也

### 再和

崇桃積李巧爭新紅勝胭脂白勝銀車騎每勞鶯命喚

藥欄聊伴蝶遊巡何須歌舞留連夜漫與詩篇慰藉春

珍重海棠煩問訊肯教空谷老佳人

### 簡蕭東夫

向來一瓣為南豐縱使能詩也坐窮千里望中同夜月

五言城裏帶春風人言止酒今真止君自中書豈不中

莫道天公全憤憤滿頭白髮亦何公

### 遊虎邱再用韻

虎丘欲到幾年華靈運何妨不在家風艇也遭新壩阨

芒鞋可憚去途賒禪心默會點頭石幻化應羞解語花

憶昔吳王舊池館一堪行樂一堪嗟

### 揚州司理章公把詩

宦游曾記舊桐川  
泮水淒涼愧鄭虔  
怪得儒流有師法  
知從鄉老得心傳  
未酬龍伯連鰲手  
遽作維揚跨鶴仙  
太息孔門空用賦  
不教一柱果擎天

原注公首鄉薦日賦有一柱擎天之句

章樞密挽詩

當年抗疏動宸旒  
騎省烏臺許遍遊  
穩穩樞庭方緩步  
駸駸揆路却回頭  
空餘榮錦開三徑  
猶有甘棠蔽兩州  
浮世功名俱一夢  
不須夜壑怪移舟

引年歸老十星霜  
養素遺榮道愈光  
可但蒼生思謝傅  
未應白首愧馮唐  
龍光方慶千齡遇  
鳳誥俄嗟一鑑亡  
前輩風流磨滅盡  
後生無復見堂堂

正卿不見累日聞  
十二日與鄭丈舍人游何山

書此為寄

剝欲從公朝暮閑  
一溪留我未容還  
極思談笑三秋隔  
相望林泉數里間  
詩絕一時同鄭老  
書堂終日憇何山  
報來定有吳門信  
快矣黃嘉明月灣

次張安國舍人讀王侍郎詩有懷其人韻

蓋世聲名紫府仙平生襟袖著山川一麾管領秋江月  
千首憑陵杜曲天疇昔風雲餘感慨歸來文字帶芳鮮  
和韓何限驚人句應有門人李漢編

書懷

丘山何必萬牛回櫟社從來貴不才無事飲多惟日醉  
有聲畫好亦天開欲謀松菊園三徑翻訝文章水一杯  
未免無衣憂卒歲籬根慚愧候蟲催

宦路侵尋已倦遊功名何敢效土前修謬紆州組三宜去  
回視儒冠一忍羞疇昔嘗窺循吏傳只今誰是富民侯  
夜來好雨催歸棹春水茫茫漲鴨頭

夜坐書懷

看鏡功名不用頻醉鄉境界幾由旬何妨走馬來為問  
縱未成龍亦有神生計一絲寧掛眼閑居百事不如人  
驚鴻亦有高飛意姑傍花前過却春

夢覺誰呼小玉頻分燈魔女笑波旬暮年禪悅渾知味

少日文章豈有神赤脚玉川容老婢綠珠金谷漫佳人  
元冥不是梅花主開盡南枝付與春

春日書懷

吳興太守也堪憐十日齋厨九不煙索寞清懷寒食夜  
顛狂風雨落花天流鶯百轉還求友化鶴重來不是仙  
待得變秋民足食君恩萬一許歸田

用韻約宋宰諸公為尋梅之行

澹煙寒雨洗輕埃千樹江頭探借開莫倚風流貪畫柳  
直須火急去尋梅可能卯酒三盃罷索取冰姿一笑回  
好手河陽教落後紛紛桃李滿輿臺

玉溪梅株柯殊絕宣和間用事者嘗圖以進竟不  
報今迺棄置蔬畦摧折憔悴有可憐之罷昨陪  
諸公往觀共嘆其不遇且約盛開時携壺酒為  
醉賞之適因循又不果因用韻弔之

玉溪得得探芳期孤負詩人盡醉歸消息向來空驛使  
畫圖老去惜明妃香魂月墮驚鴛春夢翠袖天寒怯暮暉

蜂蝶卑凡渾者識良迷桃李趨狂飛

王

...

...

...

...

...

...

欽定四庫全書

尊白堂集卷三

宋 虞傳 撰

七言律詩

歲除

除日催人無奈頻那堪月小不圓旬誰能椒頌花如錦  
自寫桃符筆有神通夕留連分歲客明朝多少賀年人  
壽觴舉處慈顏喜却是萱堂賸得春

述情

與蕭東夫相別幾二十年矣此來假守吳興  
而東夫令嗣監酒赴官池陽迎侍以行舟次  
次城下遂得一見小詩述情

間闊忻逢諸葛豐不應阮籍哭途窮擬留重客傾家釀  
更喜賢郎有父風詩思憑陵煙雨上官情抖擻簿書中  
擊鮮下舍聊乘興未許黃堂舍蓋公

真情

比以詩送仲本行使君謝用光復用韻曲留  
之親親之義厚於故人此人之真情理之正  
也再賦以廣使君之意

魏紫姚黃次第榮政須親戚話真情樓臺是處增詩興  
羅綺叢中放酒行下榻能留黃叔度高齋端有謝宣城  
却憐老令卑栖甚目送歸鴻意自傾

春晴

萬里陰雲一戰收怪生和氣襲魚裘崑山龍過初銜燭  
暘谷鳥飛不傍舟曝背爬搔疑挾纊凍軀偃倭快伸鉤

老農扶杖間相過一味豐年說不休  
結習已空摩詰袂若寒聊解拾遺裘梅花已負先驅弩  
竹葉隨牽下瀨舟門外有誰驚剝啄林間何處叫鉤輅  
詩人莫費離肝腎付與晴窓茗椀休

祈晴

何許龍蟠雨應求參天老木古靈湫投誠已自剖鷲頸  
激怒寧煩擲虎頭南畝有人朝負耒絕潢無客夜行舟  
寄言神物須終惠為挽天河使倒流

過西山遇雨晚晴乘涼以歸

巖前垂溜忽涓涓疑是池龍肯着鞭千嶂黑雲終過雨  
一番白水又平田潤添秔稻翻涼葉喜入樵蕪爨晚煙  
馬上歸來聞好語荷鋤相對說豐年

休日欲報謁林子長值雨不能前用前韻以謝

不敏正月三十日

朝雨城南柳色新溪光溶漾宛如銀地偏心遠開三徑  
風引舡回欠一巡二月欲來正月盡三分已過一分春

鶯啼燕舞非吾事管領韶華自有人  
三公已出三公未  
賀御帶欲載糯米入城先以詩叙情因次韻只  
此便當執狀也

種林詩人也未窮百篇欲就醉顏紅却思白墮相逢晚  
不分青銅一笑空卧甕更須防吏部抱琴應不問新豐  
何當乞與青田核聖處時時任一中

伯兄挽詩

鄰雞催曉破秋天一枕邯鄲便脫蟬應了世間如夢幻  
况於酒裏得天全鴻陂曩昔聞謠鵠下舍淒涼念擊鮮  
誰遣驚風吹鴈序不堪雪涕望新阡

曉晴

屋角勃姑時自喚籬根絡緯競先鳴刈禾政想頽肩重  
揚糝那愁眯目輕考滿我應書下下賑荒人謂策平平  
回思舊歲民情惡不但山中有啜羹

丁欽夫來宰吾縣幾三年清德美政茲不復道  
二詩送行意之所寓欽夫固已默喻它日見東



夫告出似之發數百里一笑

明月從來忌暗投  
污渠尤忌映清溝  
上書未辦誅屠伯  
束帶何曾問督郵  
袒裼直前當暴虎  
善刀那見有金牛  
區區三仕并三已  
喜愠眉間了不留

綠漲春波到白蘋  
高懷寧便憶鱸尊  
緣誰一笑理歸棹  
為我千巖訪古人  
已狎風波浮宦海  
可能霄漢隔通津  
割雞却嘆非吾事  
况是傍觀亦損神

送朱宰

疇昔鳴琴子賤堂  
至今絃誦尚悠揚  
農桑樂歲千家足  
桃李春風幾度芳  
疾惡政緣同伯厚  
愛民何止一桐鄉  
烏臺此去真朝夕  
劔履還須去尚方

一識荊州已是榮  
二年尤足慰平生  
從來東粵輕公子  
只有臨邛貴長卿  
慘別翻令詩句鈍  
臨行重把酒壺傾  
故人聞道開東閣  
拭目雲霄九萬程

和汪倅

城頭杖屨姿延緣  
終日看山也自賢  
浮蟻釀來看把醖

鍾定四庫全書  
卷三  
飛鴻盡日且揮絃捲殘簾幕千家雨倚遍欄杆四角天  
渭北江東何處是謫仙詩興政飄然

寄同年林子長郎中

功名雖結少年場看鏡空驚兩鬢蒼我已青冥甘蹭蹬  
君今列宿倍輝光寸心祇自懷三徑尺素何妨枉一行  
多謝南宮故人報日邊消息想能詳

苦雨

經時梅熟雨翻盆老我無聊正杜門日焙衣巾留白醖  
年侵腰脚倦黃昏掃除雲霧風無力點滴軒楹漏有痕  
入市乘舡雖未驗溪流已漲幾畚渾

漢老弟生朝

風流曼倩碧雲仙慣見兒嬉壽母前莫訝科名後餘子  
要教富貴出長年鵝黃新釀香浮甕鴈翅橫秋影接天  
端的姮娥消息近南坡丹桂已開天

元宵不出

東風搖蕩玉奩永車馬從人喚不應賴有麴生來入座

了無魔女與分燈夜深月色明如洗寒在梅梢瘦不勝  
却笑少年行樂地華胥枕上太惺騰

出郊勸耕因遊吳山清隱

第一林泉得縱觀春風隨步着欄干山闌梅雪千株在  
門納湖光十里寬水上濕紅雲片段亭前鮮碧玉檀欒  
主人才調渾相稱題柱詩篇一一聚

中秋不見月寄耘去弟

舉盃邀月且留殘覆雨翻雲意未闌自是陰晴難準擬  
莫將懷抱逐悲歡燈前白髮驚秋半鏡裏清光有歲寒  
玉斧祇應修未就素娥寧許等閒看

和郡人湯倅中秋月

怪底今宵眼界寬銀潢不動蘸金盤未應天上追時好  
無奈人間別樣看酒醖飄零驚鶴唳笛聲哀怨起龍蟠  
經年不復南樓夢且作三人取次懽

和鮑倅同湯歐二倅春日郊行

別駕聯鑣喜在垞不妨修禊繼蘭亭雅知社結池蓮白

况復詩成水荇青  
問訊梅花才半樹  
漸看柳絮又浮萍  
風光流轉須時賞  
爛醉從今莫放醒

閏二月二十九日早離廣德大雨日午晚晴又

雨宿黃蘗坊

家山入望更貪程  
造物無心雨與晴  
今日莫愁明日近  
一程但作兩程行  
生須快意何嘗夢  
夕不還鄉亦自驚  
親戚固應情話在  
爭先僮僕已歡迎

赴吳興初入境是日立春

詔書催發太頻頻

原注十一月二十一日除書下  
凡七次被受省劄催趣之任

千騎

東來喜望塵不為尋芳寧較晚  
固應入境便頒春風和  
漸覺旌旗轉野曠  
遙聞鈺鼓新千里  
嗷嗷方待哺自慙  
何以慰斯民

耘老弟五月十三日親往新亭種竹喜而賦詩

教授次韻曾守述和刪定鮑倅喜譙樓開復舊觀

移竹應須竹醉時  
不妨帶笋一時移  
清陰且障東西日  
碧色還分上下池  
歲晚雪霜成老伴  
夜涼風月得新知

錢定四庫全書  
卷三  
竭來便有親親意玉立無言似索詩

曾守譙樓既成邀賓從同登議闢雙門以復舊  
觀從士子請也

樓下遺蹤宛可尋尚須賓從一來臨  
三峯崒峩渾依舊雙闕峩峩復見今  
麻麥向來迷綠野簪纓久矣負儒林  
使君不惜褰帷問慰我邦人望望心

再和

傑閣危欄不許尋  
境環千里望中臨  
古桃風物寧非舊  
甲子規模迺到今  
堪笑折腰趨府事  
何如長嘯入山林  
故園猿鶴休驚怨  
出岫孤雲豈有心

和聞鶯

度柳穿花故故遲  
黃金新刷羽毛奇  
驚回午夢花梢日  
啼破春愁柳絮時  
老去上林空好語  
向來幽谷有誰知  
紛紛雲雨成翻覆  
求友唯君慰我思

清平閣

律身端合勵冰清  
蒞政尤須稱物平  
知是夫君深寓意

雅宜斯閣遂安名池幽自足龜魚樂林靜休教蟲鳥鳴  
况復官閒州似斗不妨時此濯塵纓

用韻和仲兄

鼯鼠相將五技窮東來歲月太匆匆冷官敢恨知音少  
直道難教與俗同翻憶對床聽夜雨不堪舉扇障西風  
詩來喚起還家夢目斷成行天際鴻

遊宦十年于外歸自浙東覩西山先塋周圍林  
木氣象大非昔比蓋緣藩籬既徹本家樵採不

以時外人侵盜復無禁理勢固應爾也今春憂  
居遂協謀兄弟效先君舊來規撫創夾籬界庶  
外人知吾輩用意所在有所忌憚不肆侵盜而  
本家樵採亦有時云耳因以詩識歲月

萬畝墳山遍野陰幾年樵採到如今藩籬有限重加護  
斤斧無端免見侵缺處更須頻檢校暇時何惜一登臨  
先君暗裏應傾倒方信流長源更深

讀白樂天詩集

詳觀白傳一篇詩長日何須一局碁字細縱然勞眼力  
理長尤其是契心期誇張歌酒渾相似消遣窮愁亦自知  
大節更思公出處寥寥千載是吾師

喜晴

黃堂通夕聽簷聲去謁靈湫及未明畫鷁破寒收宿霧  
老龍擎日獻新晴何須厭勝驅黃帽况復精誠却衛兵  
盡道使君能撫字歸途爭看古陽城

洞中龍亦讐先聲韜歛雲陰放日明久雨也知田父苦  
十分端為使君晴但令渤海捐刀劍不用天河洗甲兵  
昨夜鈴齋詩欲就鬼神聞已泣蒲城

雨占甲子向來頻誰道開晴必換旬雲過陽臺空有夢  
雪消姑射漫疑神林間却喜鳩呼婦簷外何妨鵲噪人  
可怕西郊泥一尺徑須躍馬去尋春

連霄驟雨喜初晴何處殘蟬不亂鳴晚熟豈妨秔秫好  
秋聲先傍竹梧輕紛紛雲散心安在隱隱雷收氣未平  
半菽驚魂猶未定老農那得不慙羹

雨餘天宇十分清到處官哇噤不鳴殘點喜聞簷溜斷  
新涼更覺葛衣輕飛揚楚觀人無夢畜縮胥濤怒已平  
滿眼秋風歸未得却慚千里話尊羹原注中秋漸近  
西風有意作新晴不遣中宵鶴鶴鳴紅袂行雲仙夢斷  
青燈對酒客愁輕起看攏首禾無害見說溪頭水已平  
尊菜鱸魚秋正美誰能分我一杯羹

諸公妓飲問正堂有謂予不來者借韻呈司戶  
同志

廣文官舍自蕭然好事何人與酒錢慣伴諸生甘寂寞  
倦從猿子醉妖妍靜揮綠綺心逾適渴飲門冬手自煎  
疇昔東山懷雅尚未須輕鄙笑臞仙

再和

生涯冷淡我胡然客裏空囊愧一錢已負酒杯同笑語  
彊排詩句鬪清妍官閒祇起樊籠嘆內熱真猶膏火煎  
試問聚蚊成一餉何如高枕夢遊仙

再和



幾日齋厨愧索然信君高會拚金錢  
邇來此樂城中少况有今宵座上妍  
連放酒杯浮潑潑須防更漏解催煎  
閉門獨坐何由羨漫攪枯腸賦八仙

再和

孤遊冷宦嘆徒然安得通神十萬錢  
南北阮家何似富東西施子迺爭妍  
歌筵憐我應無分詩債憂君苦太煎  
却憶金明年少事春風得意醉群仙

再和

東家誰念我纍然慚愧何曾十萬錢  
病骨那禁三伏熱長眉空負十分妍  
睡涼喜有青奴伴藥瞑頻呼赤脚煎  
閣東簞瓢緣少味非閑辟穀要求仙

葦使君一新社稷壇宇次汪倅韻

巋然壇宇俯清流須信規模跨別州  
端為苴茅崇屏翰要知束楚貴綢繆  
治馨有酒煩分饋宰肉何人歎滯留  
天欲吾公安社稷未宜小試羨三休

食洞庭橘有感

洞庭霜橘偶明珠磊落堆盤照坐隅九頃固應原取友  
千頭寧與李為奴佳名自昔南邦貴丹實由來北地無  
此日滿懷三嘆息惇然天地一身孤

詠打扇

晚脫何須問小童汗流聊復慰衰農聯翩天下一輪月  
簸蕩人間萬竅風螢火招來還自照蚊雷揮去覺群空  
散仙未辦朝間闔乞與羲皇笑傲中

春晚漢老弟不來有懷南坡

如麻密雨不收脚如花惡風常打頭那無一日好天氣  
只有千山供客愁垂楊未繫金娘娜隔葉倦聽黃栗留  
南坡是處堪欣賞把酒還曾酌我不

和耘老弟南坡芙蓉

簇簇坡頭錦繡叢幾番消息問來鴻素商未遣先驚綠  
青女何妨更染紅向日壅培曾覆篲有時灌溉亦連筒  
年來霸官成離索却欠看花一醉同

夏芙蓉

四月池邊見拒霜園丁驚問此何祥花如雲錦翻新樣  
葉似宮袍染御香病不能陪花酒伴詩猶堪譟鼓旗傍  
諸君筆力迴元化努力先春壓衆芳

老子而今兩鬢霜未應癡絕泥機祥不能木末搴朝露  
爭免籬邊嗅晚香便合折來書卷畔詎宜簪向寶釵傍  
漫山千樹方芽甲肯信人間有早芳

勸農

平生憂國願年豐荒政那知技已窮千里農桑千里雨

原注是日  
天微雨

一番桃李一番風宦遊老去春強半勸相歸  
來日過中自媿活人無好手只將水旱禱天公

石照勸農晚歸有雨

踈林拂拂見旌旗短鎧翩翩度翠微十里好山供客醉  
一犁春雨勸農歸水流花出紅成隊麥雨天連綠打圍  
投老田園今晚矣不須五十始知非

虎邱勸農

春事三分破二分山郊勸相豈虛文通宵已過臺前雨

原注寺有  
雨花臺

破曉誰耕隴上雲  
士女携壺方雜選  
老癯扶亦歡欣  
迂踈為郡渾無捕  
只把豐年答聖君

再和

風月聯翩別駕分  
雙鳧飛鳥總能文  
苔痕點綠山頭石  
花影浮紅水面雲  
一舸鷓夷聊爾爾  
千巖啼鳥自欣欣  
徘徊斗粟歸田緩  
堪笑癡頑老使君

五月三日過西山道院田間記老農語

偶從野叟問耕桑  
說到春來日日忙  
老盡吳蠶桑自綠  
化殘胡蝶麥猶黃  
迎梅已過三旬雨  
秧稻初齊五月涼  
天上何人調玉燭  
但知擊壤樂時康

次韻古梅

怪底昌園一種梅  
老枝強項獨遲開  
伶俜鶴膝翻嫌瘦  
皴皴龍鱗不受推  
羞把冰肌混桃李  
故將粉面映莓苔  
廣平鐵石心猶在  
寧有詩情似玉臺

廿三日被旨再往天目謝雨留數語壁間

萬山深處得重來  
天目晴雲未放開  
盡喜山田秧擺耜

金定白堂集 卷三  
那愁石徑濕莓苔鐵冠道士今安在玉局仙翁去不回  
唯有洞中龍應禱果能因早起風雷

和耘老弟冬夜聞雨有懷

蒲團睡思欲濛濛珍重賢人酒一中夜靜喜聽懸雷雨  
寒多更怯戰窓風簷花細落渾疑夢詩句頻催政未工  
雪擁紅爐愁不寐此時懷抱想君同

夜來四鼓枕上聞雨聲喜而不寐

雨聲天外倒銀潢枕上才聞喜欲狂鼓吹不須教兩部  
稻梁行慶有千倉青缸照影花無睡紅袂行雲夢有香  
最好空階瀉簷溜却疑並舍壓糟床

和七月初五日夜得雨

一尊情話向南榮好雨知時益樣傾且喜黍苗饒歲事  
莫愁梧竹作去聲秋聲簷花夜永燈前落池草詩成夢裏  
驚端的對床尋舊約韋郎曾賦五言城

一笑南道中雨

晨光欲動尚熹微漠漠春陰未解圍霧掩前村迷酒旆

風吹寒色着征衣功名底許妨行樂出處年來果是非  
一笑南坡歸夢裡滿山桃李政芳菲

龍池禱雨

御府金奩出寶薰薰蒸來池上定知聞龍應覆手能為雨  
岫豈無心漫出雲秧插高田猶未遍泉流幽澗恐難分  
奉常典禮吾方與母作神羞視秩文

過登源英濟廟祈雨

連年因旱禱叢祠未免斯民有怨咨擬學催科今晚矣  
不能引去更何之下田敢有百車望好雨猶寬三日期  
慚愧農家私水利桔槔雖巧不容施

和湯倅梅花韻

玉奴端不負花期乞得東皇一笑歸淡掃娥眉怜虢國  
半勻粧面妬徐妃有情立馬留新恨無賴啼禽送落暉  
金鉉政須和鼎寔莫嫌笛裏浪驚飛

蠟梅

龍麝濃薰總不宜幽香細細忽聞時蜜脾懸磬無餘味

鶴膝橫陳有老枝玉蘂檀心還得似蠟顏脂貌有誰欺  
却疑不是人間物三嗅慙慙與賦詩

金瓶梅再和

冰霜元不與花宜頗怪梅花亦後時  
庾嶺別來無驛使少林忽見有橫枝  
化工真幻知誰辨詩老題評豈我欺  
世味飽諳渾似蠟對花不飲漫賡詩

和萬舍人折贈蠟梅韻

問訊江梅意未回少林橫出不知裁  
爭先賴有園夫報

折贈空驚驛使來踈影暗香寧是伴  
蠟顏脂貌未須媒

主人聞說歸朝近且趁眉間喜色開

原注今日小報舍人落致仕云

再和

蠟綴枝頭春未回緗羅休用剪刀裁  
直須浮蟻相携去應有遊蜂錯認來  
暈紫檀心真似假嬌黃粧額自能媒  
年來世味渾如此嚼蘂吹香一笑開

再和

步遠名園日幾回司花着意巧能裁  
影踈雅稱燈籠映

原註東坡詩有蠟紙燈籠香細疑從酒面來原註酒有蠟面破白江梅羞月

妬黏紅僊杏待春媒何如新樣龍山種却在京都占早

開

夜讀邵堯夫詩戲效其體再賦蠟梅

紛紛蜂子競生涯每到花時輒放衙懸室盡將花作去聲

蠟何人翻以蠟為花姑從凡卉論先後若比江梅有等

差弄假像假真像假小兒造物未須誇

中秋夜微雨

醉張白眼望層空作意中秋一笑同忽訝微雲得急雨

縱妨明月有清風連宵桂近姮娥惜盡日槐忙舉子工

原注今歲科舉勿指涼天云即是且須傾盡玉西東

十六日雲氣薄陰晚有雨微甚夜間頗涼恐明

日未必有雨也

誰與天公沃元陽灑塵微雨僅毫芒只憂南畝頻年旱

敢愛北窓通夕涼何物興雲須蜴蜥幾時舞野定商羊

會當直入雷霆室戲掉狂車下大荒



蚊

床前蠟紙一燈明  
殷殷聞雷數震驚  
忽去青天無鳥跡  
驟來紅樹有鶯聲  
嗜膚噬血寧甘死  
投隙穿帷太巧生  
為爾通宵愁不寐  
幾回枕上又詩成

青奴良夜偶相依  
班扇團團亦倦揮  
我自蒙頭還引睡  
渠應蟠腹不能飛  
多愁白髮三千丈  
無分紅綃十幅圍  
安得西風來一掃  
固知么麼未勝威

王簿不憚暑途親扣石  
金祈雨蓋有志乎民者

也以小詩簡之

饑饉憂渠欲洊臻  
大田不雨已生塵  
何人有力能鞭石  
老令無能漫積薪  
諸佛未嘗違衆願  
上倉寧不憫斯民  
試煩仇覽登山履  
為扣巖前彼上人

委長洲趙丞禱雨陽山龍祠有應

不向龍祠小乞靈  
連宵那得雨冥冥  
勢方聚處中心喜  
聲漸微時側耳聽  
便覺田頭秧稻綠  
更誇隴首麥苗青  
豐登自此無公事  
只有棠陰蔽廣庭

再委趙丞陽山送龍禱雨

傳聞神姥產英靈雷電當時亦晦冥好雨固宜隨禱應  
夜窓曾誤幾番聽關心病守頭空白失喜農夫眼倍青  
水溢旱乾寧有數人間無路叩天庭

老龍高卧復何求韜斂風雷自一湫不恨如麻無雨脚  
却愁生耳有禾頭向來河內慚移粟此去江邊欲具舟  
龍若有靈須早計霖霖莫待火西流

原註夏旱則秋潦理之常也

昨夜雨又作方此祈禱輒得數語述懷

淫雨天公不肯晴區區香火屢哀鳴兩年苦潦民何罪  
千里分憂責匪輕已幸早禾方露積正憐秋稼與雲平  
萍號莫敗西成好拱手從來易覆羹

七月十四日大雨徹曉方止田家云早晚禾自

此不憂矣喜而為詩

夜雨傾盆擣瓦溝簷聲洶湧碎江流安眠一枕西窓曉  
飽飯十分南畝秋老火熏天已無跡頻年赤地更誰憂  
起來喜撥床頭甕却待今宵月滿樓

五月二十七日夜大雨前三日熱甚

雷車誰喚阿香推  
釀雨雲頭簇不開  
猛熱急掀江漢立  
先聲偏上竹梧來  
高唐賦就何曾夢  
杜曲詩成不費催  
頗欲燈前同夜酌  
却愁穿落餽無臺

七月三十日大雨連宵

徹夜盆翻天井潢

原註魯直詩云  
橫流漲天井

迴瀾誰障百川狂  
鯤

方怒翼思溟海鼠已搖牙  
伺大倉秋着屏山驚客枕潤  
添衣籠費鑪香  
惠連應記池塘夢  
近有書來說對床

原註

近得家書云深秋  
來此尋對床之約

再和

乘槎有客泛僊潢  
咋指泥塗悔我狂  
此去不煩推謝令  
向來寧是尼臧倉  
愁驚過鴈鄉  
心碎喜溢浮蛆甕  
面香  
金井老梧秋色重  
時翻危葉墮銀床

十七日乘馬過草堂已而驟雨

此邦早曠已連年  
民亦何辜欲籲天  
鳩拙林間時自喚  
龍慵潭底敢安眠  
忽看注雨如車軸  
便覺流泉滿稻田

我亦駕言隨霹靂一瓢傾倒馬鞍前

下山雨驟

下山雖幸免顛躋驟雨冥冥步轉迷白馬已翻青嶂去  
黃鸝猶戀綠林啼人皆有路通霄漢我獨無橋渡澗溪  
且傍田塍歌側過從教甲子混塗泥  
連宵風雨大飄飄頗訝龍吟意氣豪三座危橋過不易  
一溪湍水漲能高樓遲王事嗟何及咫尺威顏敢告勞  
袖取豐年天上去洗泥準擬醉香醪

寶薰降自九重天再款龍祠禮亦專謝雨歸來還得雨  
今年必定作去聲豐年彌天膏潤人皆喜連日奔馳我獨  
賢回首家山今不遠固應慚恨不歸田

久雨

秋到天公日日陰林間厭聽鶉鳩鳴向來南畝頻憂旱  
此去西成只欠晴簷有漏痕看苗出徑無行跡認苔生  
夜窻細誦秋陽賦才謝坡仙和不成

和漢老弟久雨

金定四庫全書  
卷三  
簷聲點滴送愁頻  
夢雨連江遽  
一旬杜老多情還動酌  
坡公何事却傷神  
渭城官柳難留客  
巫峽行雲不見人  
可是萍號工灑道  
東郊準備要迎春

喜雨呈太守

精禱能令天意回  
猖狂旱魃敢為災  
龍眠熱處雷呼覺  
蟻戰酣時雨起來  
耕父荷鋤歌召杜  
腐儒秉筆愧鄒枚  
太平知有三登象  
從此官租不費催

和廣德宋宰喜雨

一雨豐年兆可探  
全勝雪瑞白成三  
偏憐令尹關心切  
喜對農夫洗汗慚  
杭稻秀畦欣綠潤  
芙蓉依水媚紅酣  
詞源頓遣如泉湧  
酒量懸知似海涵

和主簿喜雨二首

龍眠熱處雷呼醒  
蟻戰酣時雨起來  
涼入稍雲青漠漠  
潤添田水白皚皚  
但期家給皆紅腐  
莫管庭空長綠苔  
老令催科知自拙  
推擠不法謂何哉

年來事事與心違  
墨綬塵勞莫我知  
慷慨歸田雖有賦

金匱山房詩集 卷三  
殷勤喜雨漫賡詩誰憐飯顆山頭瘦却想松江水面肥  
一笑桑榆收已暮向來膏潤太踰時

卧病枕上再用韻

文書堆案眼慵開客有可人今雨來說劔丹心空耿耿  
岸巾雪鬢欲皚皚山田漸喜滋香稻客位從教長紫苔  
涸轍窮鱗賴濡沫未宜曷月詠歸哉

領邑西來物物違只應松竹舊相知寬心雨意濃如酒  
滿眼秋懷總是詩慚愧不才勞撫字平生何意羨輕肥

飄然儻遂歸田賦食藜毋忘在莒時

再用韻簡王簿一章言其喜雨也二章欲其少

留也

山雲潑墨度墻隈信道鳴鳩喚雨來驟瀉竹梢青幕幕  
亂翻荷蓋白皚皚尊前花落愁賒酒地上錢流錯認苔  
更願公家寬賦歛斯民卒歲亦悠哉

當面論交背面違此心叔向幾人知喜君一見便傾蓋  
過我相從唯說詩別後梅花看太瘦向來顰白不應肥

何如且緩東歸策共醉橙黃橘綠時

當而備 徽州績溪縣六月二十五日迎汪王於縣廳祈

更醮公 雨未之應也七月三日率同官再禱焉酌獻方

畢陰雲四合甘靈大霈因以小詩紀實

何須禱旱必桑林試扣叢祠丐一臨再拜爐煙方裊裊

四周雲氣已駸駸田龜向去亡凶兆埵鶴新來有好音

多謝神靈憐老令肯傾膏澤慰民心

和主簿伯倫喜雨

電熾搖搖眩目光雷車殷殷訝空腸咄嗟有底千峯雨

珍重無多一瓣香秔稻氣蘓南畝喜芭蕉聲到北窓涼

恭惟英濟綱維是併遣炎官理去艍

喜雨

雨來雨喜動吟箴頓遣醯雞舞甕天傳野要觀新事業

巫山莫學短因緣

原註前晚一雨甚微

碧筍便好浮家釀紅粉還

羞着老年此意自佳君自會將詩不必衆人傳

憶友人

紫鸞栖棘乳溪邊不羨群飛漫刺天一見交情真我輩  
更將詩句洗塵緣寧唯刮目須三日恨不從公早十年  
只恐秋風趣分袂尺書儻有鴈能傳

主簿昨示喜雨之作末章用李文饒故事非所

敢聞用韻回納

朝來一穗着爐煙遽挽銀河下九天東海不寬私自幸  
南陽高卧且隨緣佳名德雨聞前代尺字商霖證昔年  
老子婆娑那辦此兩翁心印有人傳

初夏四沼獨坐

牆隈綠裊風前竹池上青橫雨後峯森然便有濠濮想  
若者曾吞雲夢宵杳無碧澗來鷓鴣安得舊水藏蛟龍  
我今齒髮亦自料回首家山歸興濃

俯江樓

異鄉王粲懶登樓腸斷淮山落木秋塞上陰雲空漠漠  
江邊艇子故悠悠悲涼只怕聞孤鴈浩蕩那堪沒白鷗  
莫怪楚囚頻下淚何人談話到神州



十一月三十日乃耘老弟生朝余是日也宿留  
富陽驛中念之殊不勝情因賦一詩俟到吳門  
有便寄去

玉瑄新陽七日來天將風月賦詩才別來又喜逢初度  
相望何由把一杯霜後不凋門外柳春前已折隴頭梅  
團樂今夜華堂燕應念三州數徃回

和湯倅七夕

目斷銀河婉孌期綵雲香霧轉翻翻天孫無賴能專巧  
世俗由來亦妄祈稚子喚人占蟄網老妻憐我泣牛衣  
客星若就君平卜更問金穰與木饑

和總管姜知閣

下筆梅山漫不休詩筒條寄置書郵分符我亦慙銅虎  
問俗人誰忍佩牛已洗園扉亡久繫更教彩棒息群偷  
原註承來教及  
巡尉警盜事年來况是催科拙聚歛平生笑冉求

和楊仲才歸途秋郊即事

馬上西風着面涼翩翩烏帽更低昂晚晴是處鷓鴣聲喜

秋熟連阡禾穗香

原注一作田疇刈熟禾  
肩重畦町鋤稀菜甲香

稚子候門應

自語征夫指路未渠忙  
歇鞍野店誰為伴  
自買村醪一舉觴

頃嘗將漕淮東林子長  
今膺是選因以小詩述

懷庶幾古人贈言之意云

德星天遣出淮濱  
玉節光華委十分  
可但籌邊專餽餉  
直須曠土盡耕耘  
向來我已慚無效  
此去君當勉策勲  
尚有龜山風浪惡  
得無遺恨雁離群

淮邊陳迹試重論  
走遍西途落木村  
依舊江山連北固  
承平池館羨東園  
中原入望堪垂涕  
古汴無情尚有痕  
歲漕東南六百萬  
云何異域得遊魂

送萬舍人將漕江東

左螭玉立聳朝端  
底事飄然便掛冠  
簡記起家千載遇  
光華持節萬人看  
溪山好處寧終恋  
鷗鷺盟前莫遽寒  
已是詔書催上道  
却煩尺鯉問平安

余壬子秋丁太夫人憂因取藏經看閱至甲寅

卷三  
春以病眼且止然將及一半矣尚期晚歲畢此  
志願但兩年來有煩主藏上人斫公取送良勞  
因以一偈謝之

五千經卷乃吾心眼力年來却不勝且學趙州看半藏  
從教舍利說三乘循行數字難成佛兀坐焚香也似僧  
此法本來無所得多生受記有燃燈

耘老弟於新廳之後起樓名之曰疊翠有詩因  
次韻

樓成疊翠相竒竒不羨圍屏錦繡機卜築又新王粲宅登  
臨莫下董生惟高吟得助添新卷清賞何須貯舞衣問  
舍却怜吾未就歸心長與落霞飛

求楊仲才芍藥

見說江都一騎來筠籃坏土帶春回不堪霸官思金谷  
寧有詩情似玉臺綸閣翻階無復夢乳溪臨檻想傳杯

原註蕪黃門賦績溪芍藥  
有想見清樽檻邊飲之句殷勤分贈須聞早社後重陽

政好培

收漢老弟近書知十全遂勿藥之喜慰可知也  
但未卜來期詩以見意

一日思君一度年家山好在落霞邊飛鴻日去情何限  
黃耳書來病已痊歌枕池塘春草夢閉門風雨落梅天  
南坡政恐春留住過我何時果着鞭

和聞杜鵑

萬里歸飛怪底遲豈緣鳥道峻而竒尚懷舊國初來日  
偏恨群芳欲盡時回首暮山寧久住論心殘月漫相知  
何人遠道長為客為爾聲聲勞夢思

宿祠山報恩寺枕上聞杜鵑有感

此去家山僅兩程不煩鳥語苦丁寧煙花三月忙中過  
風雨連宵夢裏聽問鴈呼卿情大薄聞鷄起舞意還醒  
年來蹤跡渾無定渠亦相憐水上萍

次韻曾使君和刪定鮑倅喜譙樓雙門復舊觀

之作

公家文字足搜尋間覽容陪夏日臨句裏江山元自舊

筆端造化速宜今朱扉對啓雄潭府秀氣平分入泮林  
青佩龍門行在望躍鞭莫負使君心

和王誠之群圃勝集

何人浪說四難并此地追隨眼更清飛蓋數移紅步幃  
肩輿穩度翠圍屏春回觴詠頻頻舉風度笙歌處處聽  
晝短夜長公莫恨當家故事有蘭亭

元日小集耘老弟有詩和韻

弟妹團栾豈偶然華堂綺席間嬋娟試看今夕知何夕  
頗覺新年勝舊年黃紙除書須有命青春作伴且隨緣  
從今屢費何須惜日辦盃觴趁和篇

簡友人

按劍何由駭夜光險心真復易羊腸未能種橘千奴足  
且欲滋蘭九畹香俗物滿前多汨沒玉人在側獨清涼  
夜來忽有家山夢便向清溪欲舣艎

途中述懷

悠然旅酌夜沉沉漫想歌眉帶淺顰興寄鱗鴻寧有恨

詩成珠玉未羞貧尚煩瀟灑登山屐聊慰崎嶇窮谷民  
已笑割鷄非我事頗嘗栖棘有斯人

和郁簿

先生雅意在垂虹底事鸞栖枳棘中幾欲上書排北闕  
却應舉扇障西風官清高枕夢魂好興動長吟詩句工  
瑣瑣升沉何足道只憑心地與天通

清明

江南三月暮春天上巳清明五日前紅杏園林初過雨  
緣楊庭院欲生烟無花無酒傷今日宜麥宜蠶勝去年  
却恠山中時候早樹林深處有鳴蟬

讀漢老弟中秋前一夕之詩似太淒切輒次韻  
勉釋之

秋與詩人着意清不平寧作候蟲鳴閑愁有底能千斛  
以雨終當快一晴富貴時來何足道英雄天亦不徒生  
來宵徑就姮娥約丹桂當年種已成

自中秋月圓木犀開後倡酬絡繹今可以止矣

再書數句殿其後

秋月秋花自一回錦囊收拾靡遺才吟餘顧兔毫端滿  
賦罷文犀紙面開十里清香供隱几三人對影稱揮杯  
笑渠冷淡為生活何似笙歌鼎沸催

酬常丞見和

周南留滯玉堂仙千騎那教下蜀川梁上幾看明月夜  
江東空想暮雲天五年契濶音書斷萬里歸來語笑鮮  
喜有常郎天下士肯來相對語殘編

用韻酬翟曾二倅和章

那得朝朝瓊樹新擁爐添炭費烏銀試呵凍筆還搜句  
淺酌香醪未計巡過眼年華休恨晚轉頭天令即行春  
紛紛桃李誰知問祇有寒梅是故人

再和

詩成開府讓清新紙掃溪藤筆弄銀斗轉蒼龍歸北望  
日行黃道僕東巡人情自是隨時變天意何私與物春  
官裏簿書殊未了不知花事屬何人

兩日絕市無肉舉家不免蔬食因書數語

市無晨飲勸加餐空愧先生首宿盤尚有園人供菜把  
漫勞穉子寫牌單俸錢先自無多了賓客從來不慣看  
已誓長齋依繡佛妻孥休恠瘦樂樂

山園秀色故堪餐明月批來白玉盤小縣經年常乏俸  
頽墻過午尚懸單婦興舉案齊眉歎婢媿添薪墨腕看  
無肉縱令人解瘦却宜相對碧檀欒

恠生食指動晨餐拗項蒸毛忽滿盤總為飢驅嗟我老  
未能飽死笑人單不除豪氣杯中興空有功名鏡裏看  
菽水雖貧歸去好白頭慈母要團圓

再用韻述懷

少年發憤欲忘餐信未能鑽透石盤燈火半生徒自苦

壘塩併日不嫌單

原注今州學有單供余嘗掌教廣德吳興兩郡

嗟來未肯底

頭拜臭腐那須着眼看何物馬肝猶不悟憐渠五利竟

誅樂

送顏尚書知泉州



聽履星辰最上頭一麾得請暫南州  
高風凜凜推前車政路駸駸却倦游  
地近枌榆同衣錦天低雨露密承流  
只今廊廟須公等燕寢凝香莫久留

臨安泛舟

雨送行人上短篷東君更借一帆風  
桃源春水半篙穩錦谷清溪幾曲通  
遠岫天邊凝晚碧夕陽波面泛微紅  
舟行又勝山行好兩岸芳菲一顧中

往瓜州護使客回程

寒天短日少晶輝薄暮邊城鼓角悲  
外使方將接踵至淮民未有息肩期  
吁嗟道路頻牽挽表裏河山幾合離  
聞道遺黎尚思漢中原恢復定何時

夜舟過龜山

長淮東下月西流起視龜山勢若浮  
砢岸崎嶇須列炬波濤洶湧更行舟  
今秋暴漲尤堪畏去歲堅冰亦合憂  
有底往來能屑屑癡兒了事幾時休

上巳恐可回舟略訪子長園亭然未敢為宿諾

名園天氣更須新况有彈箏甲用銀舟欲暫回成邂逅  
酒因同載作轡逡巡飛花一片休嗟晚啼鳥千巖莫怨  
春未暇湖亭修故事水嬉遍閱水邊人

身並東和漢老弟立春

吹葭六管候頻頻眉壽先儲酒十旬鞭到土牛休袖手  
斗迴天駟已馳神花梢綵勝翻新樣鏡裏朱顏只故人  
生菜玉纖能細縷大家醉賞滿盤春

寒天賦正月二日大雪是夜戌三刻立春

東風欲動管仄飛剪綵工夫莫恨遲殘臘竟呈三白瑞  
新春元與六花期羊羔酒好浮瓊液牛尾狸堪削玉肥  
欲就江梅賒一笑前村客有未開枝

和宋宰立春雨

怪生淑氣靜氛埃知是東君一笑開膏雨任能滋宿麥  
香風先已上寒梅交情太薄鶯猶懶遠信難憑鴈却迴  
聞道君家春最勝十分眉嫵畫章臺

鏡裏朱顏一寸埃感時懷抱向誰開典衣餽釘盤心菜

貫酒由連眼底梅三月鶯花勞問訊幾家幡勝帶能迴  
新來不作溫柔夢有底詩情似玉臺

和漢老弟迎春

青旂小隊喚渠頻新歷先看早二句

原註舊歲正月十二日迎春

羯

鼓催花誇敏捷舞腰迴雪開精神燕飛欲傍釵頭月鴈  
過總歸陌上人誰道土牛鞭不動也能脚底散陽春

社日邀溫卿溪王天仕吳欽孺遊草堂欽孺有

詩因次其韻

烟霞痼疾自年齡冷落江城處士星松下茶煙青幕幕  
竹間碁韻子丁丁林泉雅許幽人往猿鶴應羞俗駕經  
沽酒抱琴還有約要看桂子月中零

原註諸公約木犀開日再遊

冬至日泊舟嚴陵灘下

書雲瑞應協黃鍾人事天時訝許同葭管陰陽消長際  
朱幡新舊送迎中嚴陵灘昔懷高節茂苑城今愧下風  
醉裏不知鄉國異團團相映酒顏紅

和漢老弟牛尾狸韻

堂饋流涎玉面狸也知臭腐出神奇分無竹葉浮酥面  
尚想梅花映雪肌渠幸臘前能漏網人言春後亦非時  
吾儕口腹真餘事莫倚雄豪浪賦詩

戲和東坡先生牛尾狸詩韻且效其體

夜寒那得到簾帷前擁紅爐後翠眉未致馬蹄沙水鱉

且嘗牛尾雪天狸

原註二句皆是梅俞聖詩今顛倒用之取其句順

菹寒石芥

愁辛臭鮓熟雛鷺怯帶脂端的為渠添酒興紅顏相映

玉膚肌

原註夜與兄弟用牛尾狸荐翠濤酒醉中和成

### 鶴鶴

仙格孤高老始成臨池愛刷羽毛輕未看月下娑娑舞  
且聽風前嘹唳聲向人自在有真態伴我官閑無俗情  
少待相將林下去携筇更引鹿同行

疊蒙林子長和章愈索愈奇未敢遽豎降旗猶  
能背城借一也

詩情引上碧天高侍史毋辭走送勞粟里正思陶靖節  
愚溪不數柳儀曹只慙同隊踈頭角莫戀樊籠損羽毛

取友如君千載士陸機作賦豈其豪

甲寅十一月朔旦冬至適值先妣太夫人服闕  
從吉感而賦詩二首

黃鷄催曉破霜天起整冠裳拜影前又見刺文添一線  
誰知泣血已三年蟠桃海上今應熟瓠橘懷中祇自憐  
未必兒童知此恨綵衣依舊戲蹠躩

維摩應待散花天無復稱觴壽母前從隔蓬壺三萬里  
尚期華表一千年弟兄黃髮三人在故舊青雲衆目憐

自愧阿奴真碌碌不妨鑿井又蹠躩

再和

天時人事日相煎否泰俄驚在眼前積閨盡歸冬十月

紀元一似太初年聯珠合璧猶重見

原註丙子歲朔旦冬至及今三十八

年矣華髮蒼顏益可憐三撫祥琴無意緒當筵那忍舞蹠

躩

讀樂天詩戲效其體

杖履南坡路不賒就中景物四時佳春林競秀烘遲日

雪岫初晴眩曉霞炎夏清風橫一榻澄秋明月滿千家  
人生適意須行樂况是樽前鬢未華

同主簿過翠眉亭

墨綬低回歎陸沉好山渾作翠眉顰我聊爾耳寧違俗  
仕有時乎亦為貧老去催科非所學向來凋瘵愧斯民  
整襟再拜藥城像幸甚殘膏丐後人

再和

宦情元薄且浮沉撫字勞心祇效顰白首論交嗟已晚  
青衫捧檄祇緣貧簡書豈不懷朋友德意安能及吏民  
誤矣折腰成底事誰歟高枕有閒人

木犀晚來盛開寄吳守

繚枝偃蹇傍巖隈密葉稜層不露才一色渾疑新釀熟  
十分端為好詩開佳人宜與簪雲髻上客須邀酌玉杯  
只恐王孫歸未得小山招隱故應催

木犀花開折贈縣宰代簡

緗黃裊積間琉璃病眼看花喜欲迷半樹爛斑藏霧豹

一秋清絕辟塵犀誰分仙種來蟾窟知有生香洗麝臍  
天女維摩應大笑一枝扶上髻鬟低

木犀初開悉離披於雨今再著花特盛因折送  
常丞代簡以詩兼簡孫尉

萬壑千巖秋欲闌金商點綴破天慳未須狂雨相將去  
且索西風一笑還香列醪醕蒼菊右清宜茅舍竹籬間  
聞君畫柳為眉嫵可復扶花上髻鬟

和人木犀

月娥一笑抵千金玉粟枝頭點綴

莫恠謫仙猶未賞

却因犬子喜相尋

原注相如一名犬子

溥溥白露清秋色楚楚黃

裳翠羽襟高興已辜紅袖飲何心相伴白頭吟

問訊木犀

兩行叢桂手親栽移自深巖遠壑來今夏蒙茸看葉長  
來秋端的見花開早時切記頻澆灌瘦地仍須苦壅培  
待得東堂枝可折滿山桃李盡輿臺

和木犀

巖挂無人也自芳月宮仙子道家粧露溥僊掌三秋色  
 風動枝頭十里香先世栽培雖地僻近年卜築發天藏  
 後堂元有文犀貴可但腰金照地光  
原註木犀兩株乃先君手種五十六年矣今在新屋後堂之前殊可愛也

和耘老弟木犀詩韻且督漢老弟同賦

團餅秣光入好枝一天風露最清時管窺豹霧巖前隱  
 杯泛鵝黃月下宜子落誰膺滄海詠叢生應有小山知  
 惠連更喜姮娥近底事觀書却廢詩

和木犀再開

東堂留得最高枝向道重開果有時仙掌霧溥秋氣重  
 山頭月照晚粧宜層層黃色眉間見拂拂清香鼻觀知  
 更約菊花為老伴四難并處可無詩

即事

奪得饑民鬼手中誤恩增秩敢言功頗聞有意徵黃霸  
 却坐無書遺子公莫我愁眉勞撫字從渠醉眼亂青紅  
 床頭况有韋編在消長何妨以數窮



光陰老去漫匆匆千騎南來歲又窮竹瘦固應留晚節  
梅開寧亦待春風青冥蹭蹬何關我白髮飄蕭恐未翁  
畢竟田園歸去好暮雲回首自江東

歸來世事任浮沉車馬蕭條門巷深一榻容身無妄想  
兩餐度日少關心園收佳實隨時薦甕有新芻待月斟  
老覺閒居渾有味不須榮宦說駸駸

春工投老日駸駸閱遍芳菲又綠陰不復倚梧傾宿鳳  
幾番淮海變鳴禽太阿自撫為知己焦尾誰彈莫賞音

高下風花何足問向來出處固無心

和吳守韻送木犀

珍重黃堂遺送來淮南未數小山才分從月裏隻株在  
趁得風前一笑開秋著屏幃蟾弄影春生酒面蟻浮杯  
姮娥自與花為約不愛人間羯鼓催

枕上再賦

折桂東堂又一回秋花此外祇凡才千巖萬壑幽深處  
玉露金風爛漫開有客揮犀紛入座幾時清燕小持盃

作詩且與留花住青女繁霜未要催

再用韻賦木犀

高枝曾折記前回晚路重逢歎滯才天上移來和月種  
人間占得及秋開香浮翠葆花藏葉影動燃犀酒映杯  
猶有黃花堪殿後為渠留戀為渠催

送張伯子尚書帥隆興

春容聽履上星辰玉笋班中第一人暫藉威名分閭寄  
賸留風采照廷紳何人重記西山雨老我空傷南浦春

此去莫思為郡樂紫樞黃閣待經綸

十年沉落困推擠出處於公恨不齊本謂重來酬契闊  
豈期一見又分携風吹渭水波聲小春壓陽關柳色低  
老矣銷魂難語別且須倒盡玉東西

輦使君勸耕汪侔有詩次韻

小隊行春簇使旌黃童白叟遞逢迎勸耕試向何山麓  
競渡還傾極樂城

原注聞吳興為極樂城

畫舫驍騰喧鼓吹紅粧

凝佇傍軒楹山公歸路人爭看已有豐年笑語聲

戲書

去年今日到湖州救得飢民歲又周閱遍炎涼還自笑  
坐糜廩餼更何求淵明栗里終歸去太史周南枉滯留  
咄咄大鈞何必問固知薄命與仇謀

子長來詩乃有杜口毗那之語但天女天花未  
嘗見也詩以先之

屬和何須蚌鷓持笙歌鼎沸政相宜勸君莫惜松醪酒  
容我來看柳葉眉春去自憐鶯命友夜來空費雨催詩

海棠還有風流伴留得芳菲不恨遲

送湯倅二首

青衫試吏古桐川識面池陽別駕賢但喜論交時一笑  
不知為客度三年新來懷抱愁分袂此去功名好着鞭  
未必九華清絕地更能留滯玉堂仙

別乘詞鋒不費磨江山得助想經過離情柳色長亭暮  
愁緒梅腮細雨多渭北論文須細與洛南問業念如何  
有時尺素頻相寄莫負東來錦鯉波

立秋四十日矣天氣甚涼南坡杖履之興猶懶  
何也不應今年歡意頓減如此因以詩挑之  
灑氣南坡日夕清杖藜綠底邈無情讀書乃爾妨行樂  
覓句從來怪瘦生况有鷄豚燕同社政須鐘鼓報新晴  
似聞叢桂花開遍早晚携壺一就傾

出郊

萬山深處長官貧不慣將迎懶是真誰解移文迴俗駕  
漫勞舉扇障風塵碧雲日暮還無信白眼途窮易見嗔

歸去荒村望燈火是何雞狗亦驚人

姚黃牡丹

紅紫爭先有底忙姚黃晚出最芬芳玉非蒸栗難同色  
露是薔薇更染香翠幄密遮春去路黃雲低映曉來粧  
十分喜氣眉間見快瀉鵝兒醉洛陽

種牡丹

新向坡頭種牡丹更開小徑傍層壇先生倍費栽培力  
俗子那容取次看應有司花來守護更須挿槿與遮欄

何時一醉酬心賞屈指春風半歲寬

和漢老弟雙蓮詩韻

青桂留連最上枝待君奮翼到天池秋蓮又喜呈嘉兆  
春草何勞費夢思雅想分香風靜處更憐並影月明時  
姮娥似辦雙荷製故遣馮夷預報知

又主簿和雙蓮詩所以期待甚厚再韻為謝

君家雙桂有高枝便令齊飛集鳳池底事乳溪迷簿領

相望泮水費懷思

原註主簿令弟今為郡博士

四明人物誰能儼萬

里功名自有時為我雙蓮出佳句箇中氣味許君知

和松老弟同上伯兄塚

鵲鴿原上思何窮排遣新愁酒有功不見老松孤晚歲  
忍看宿草又春風危亭徙倚前峯碧歸路遲迴夕照紅  
誰謂死生真永訣會應相對夢魂中

再用韻謝沈德遠少卿和詩

倒指西城我廩高天公自欲慰民勞聲名敢望黃丞相  
詩律間追何水曹三徑就荒身似贅一行作吏事如毛

只須多釀兵厨酒聊伴先生醉後豪

郁簿以侍御李公頃宰中山清賞圖詩軸相示  
因賦

中山清賞好家風父母猶能說此翁誰與畫圖傳浙右  
更餘詩句滿江東日邊縱識雙鳧鳥天上難留一馬驄  
投綬歸來名愈重橐金雖盡樂何窮

本縣折納州糶零殘蓋從民便又且可以趣應  
州府期限張倅反以為罪

平生學道未純全游宦何須苦着鞭作縣又將書下考  
離鄉今已跨三年性多忤物無非罪命與仇謀孰使然  
撫字催科俱大謬不如投檄早歸田

七月一日知丞往泉潯潭命道士投鐵簡是日  
有雨二日知丞過訪共道靈驗相與感歎因以  
數語記之

老龍高卧古靈湫喚醒湏煩尺簡投湏洞溪雲隨起雨  
渺瀰陂水急通溝定看田里還豐歲且豢雞豚作好秋

金華山房全書 卷三  
可是藍田脩故事為民請禱益同憂

和廣德鮑官使寄詩

當年書劔走風塵傾蓋桃花一咲春  
別去交情渾似舊  
向來時事幾番新  
詩壇雄健看前輩  
官路低回愧此身  
珍重煩公問消息  
隻溪煙雨政垂綸

和林子長別後寄詩

尺素西來字字真  
詩成膠漆重雷陳  
連城喜子重增價  
弊筵憐吾亦自珍  
窮達舊聞俱有命  
功名底事要知津

一罇別後開懷抱  
只有湖山似可人

和吳守拜上方歷日之賜已而雪作約同僚登

俯江樓見懷之作

六花飛舞到江頭  
清賞朝來破客愁  
便遣郢人歌白雪  
原註謂來詩也快呼從事到  
青州寵珍歷象占  
星鳥混一疆封  
驗斗牛遙想倚欄  
看未足寒江浩蕩  
沒輕鷗

再和

天教三白瑞來  
薺黃竹歌聲浪自  
愁未問騎驢遊灞  
上

行將跨鶴上揚州原註余在高郵道中得來詩次日至揚州橋橫忽度行天

馬簾捲何須壓海牛鼓吹從來殺風景丁寧江上莫驚

鷗

和林正父見寄

一別十年難再逢君今浙左我淮東功名老去終安在  
出處年來恨不同已是死灰何足溺祇應怪事更書空  
雞虫得失無期了莫為元規扇障風

和漢老弟

寸進鮎魚上竹竿磨驢終日困團團諸公有意故推挽  
議者獻言防誕謾胡不罷休嗟已晚只堪付與一長嘆  
杜陵有語君知否才士從來汲引難

得黃仲本詩再和二首以寄之

相得詩人我與兄平生無一不真情河梁莫恨看雲別  
剡棹曾經載雪行近喜隻魚傳尺素遠勝孤鴈帶邊城  
江湖老去知何用空把葵心向日傾原註來詩有好把丹衷為上傾之句

云故



金元口... 卷三  
墻燕呢喃浪語入岸花飛舞苦傷情賸窮詩眼三千界  
漫鼓琴心一再行他日湖山還帝里別時風雨滿江城  
思君直欲令人老流水沄沄日夜傾

和耘老弟韻

緩步詩成不用催松門開徑破莓苔池塘夢州人何在  
風雨連山子獨來望斷驚鴻憐片影愁生雉雉應遊媒  
僕夫忽報天將暮又是籃輿寂寞迴

和韻

麤衣糲飯不難供有底令人芥蒂胸但得千奴足吾事  
不須萬里建侯封縹緲何許逢園客學稼誰能問老農  
粗喜近來薪水給免教雨外急村春

出郊誌喜

香霧崇朝一炷薰雷聲使得晚來聞今年雖欠梅黃雨  
仲夏猶敷稻綠雲審象已能蘇大旱卧龍何用說三分  
腐儒竊有區區見例奏囊封愧不文

和吳守修葺禁兵營屋之韻

使君事業此權輿軍政留心盡返初尺籍伍符須補闕  
連營列戍且羣居更觀堅利修兵甲可但幘幪有屋廬  
我亦向來飛薦墨况聞佳頌起閭閻

和漢老弟見寄二首

平安一鴈帶書來頓解愁腸日九回珍重梅花還度嶺  
別離楊柳自章臺宦情落落思三徑世事悠悠付一杯  
桃李河陽無好手南坡隨處賸栽培

王式當年本不來送塗未遠徑須回自憐白壁頻遭劔  
何許黃金更築臺夜榻對眠空撫枕寒爐孤坐懶持盃  
權門氣燄堪薰炙况是無資與甕醅

和耘老弟韻

雪意垂垂漫不收預愁嚴凜壓貂裘十分果是滋農穀  
一片何妨上酒舟天遠鴈飛難寄字江寒魚懶不吞鈎  
欲酬妙唱無佳思歲惡詩人且罷休

歲旱十分無一收苦寒何許索重裘流民豈是無常產  
觸處渾如不繫舟但願天心憐凍餒莫教雪意太牽鈎

祇今宿麥無人種誰問王師休未休

原註時衛葵嚴三州流民滿道

和王天任韻

槐影侵堦晝未移筠筒忽見破愁眉  
新篇誰出諸公右此事終成一段奇  
我欲潑醅浮太白君當枉駕授前綏  
相從日日南坡上流落人間總是詩

和姜總管有懷南澗老人

一杯相屬豈非天目送歸鴻付五絃  
霜後黃花秋漠漠風前丹葉暮翩翩  
憑欄把酒青山共即席賡詩紅袖傳

我亦從來無此客敢將觴詠斷前賢

和漢老弟秋夜有感

一翻梧葉又驚秋鬢上侵尋歲月流  
夜永只憐燈作伴詩成却欠酒澆愁  
多情行雨空揚袂何物非煙解擊甌  
室有天遊魂夢好屏山不遣污油頭

再和

西窓風露不禁秋時數微螢幾點流  
識字故應甘寂寞著書初不為窮愁  
倦橫如意方三鼓渴飲門冬自一甌



